

DE USU PARTICULAE

1884
pin
II PIN

THUCYDIDEO ET XENOPHONTEO.

DISSERTATIO INAUGURALIS PHILOLOGICA

QUAM

AD SUMMOS IN PHILOSOPHIA HONORES

AB

AMPLISSIMO PHILOSOPHORUM ORDINE ROSTOCHIENSI

RITE CAPESSENDOS

SCRIPSIT

HERMANNUS WAGNER

PARCHIMENSIS.

SUERINI.

TYPIS EXPRESSIT GUILIELMUS SANDMEYER.

MDCCCLXXIX.

RICHARDO FOERSTER

SACRUM.

Difficillima rerum grammaticarum problemata non prius solventur, quam, qualis scriptorum singulorum in singulis rebus fuerit usus, diligenter investigatum subtiliterque perspectum sit. Haec ratio maxime in *πρίν* particula probata videtur, quoniam proximis annis viri docti alii alios scriptores sibi perscrutandos elegerunt. Nihil enim in natura huius particulae cognoscenda proficeremus, si rationem vetustiorum grammaticorum, velut Vigeri, sequeremur, qui ut ‚multiplicem particulae *πρίν* potestatem‘ illustret locos Homeri, Sophoclis, Demosthenis, apostolorum, Pausaniae varie commixtos nobis apponit.¹⁾ Melius iam Elmsleius de usu coniunctivi a *πρίν* particula pendentis egit.²⁾

Viam *πρίν* particulae monographice, ut ita dicam, tractandae primus ingressus est Foerster duabus dissertationibus, quarum in altera de usu Homérico et Hesiodo,³⁾ in altera de usu, qualis fuerit apud scriptores Ionicos, disputavit.⁴⁾ Eum secutus est Richter, qui de particulis *πρίν* et *πάρως* earumque usu Homérico disputationem instituit.⁵⁾ Deinde ante hos duos annos dissertatio Prausii in lucem prodiit, qui quem Aeschylus, Sophocles, Euripides, Aristophanes secuti sint usum

1) Francisci Vigeri Rotomagensis de praecipuis Graecae dictionis idiotismis liber (edid. G. Hermannus) pag. 442.

2) Ad Eurip. Med. vers. 215.

3) Miscell. soc. lat. Vratisl. 1863, pag. 9—19.

4) Miscell. sem. lat. Vratisl. 1865, pag. 1—7.

5) De particulis *πρίν* et *πάρως* earumque usu Homérico diss. Lipsiae 1874.

exposuit.¹⁾ Postremo nuperrime Lueth eiusdem particulae apud oratores Atticos usum in quaestionem vocavit.²⁾ Huic dissertationum familiae meam, quae est de usu Thucydideo et Xenophonteo, asserere ausus sum. Neque vero id me consequi posse existimavi, ut controversias ancipites de *πρίν* particula institutas absolverem atque profligarem. Officio satis fecisse mihi videor, si materiem disputandi ita congessero, ut qui quaestionem universam tractare velit fructum inde capere possit.

1) De particulae *πρίν* usu tragico et Aristophaneo diss. Halis Saxonum 1876.

2) De usu particulae *πρίν* qualis apud oratores Atticos fuerit diss. Rostochii 1877.

Caput I.

De usu infinitivi a *πρόν* particula pendentis Thucydideo et Xenophonteo.

§ 1. De origine infinitivi cum *πρόν* particula coniuncti.

Materiam omnem legem quandam logicam atque historicam respiciens digessi. Primo igitur loco infinitivum cum *πρόν* particula iunctum tractabo, deinde de indicativo, postremo de coniunctivo optativoque disputabo. — Sed antequam ad rem ipsam aggrediar nonnulla quasi prooemii loco mihi ponenda sunt. Missam facio etymologiam particulae *πρόν*, de qua cum Richtero,¹⁾ Prausio,²⁾ Luethio³⁾ consentio, qui Curtium⁴⁾ secuti *πρόν* ex comparativo *προϊόν* ortum statuunt. Perscrutandum autem est, quomodo factum sit, ut *πρόν* particula modo infinitivum, modo verbum finitum ascisceret. Infinitivi structura quoniam apud Homerum omnibus fere locis unica adhibetur, omnium consensu antiquissima habetur. Haec quaestio diu multumque iactata nec ab iis, qui antea *πρόν* particulae usum disquirendum susceperunt, neglecta quod a me recoquatur, sint fortasse qui mihi opprobrio vertant. Sed quum in animum inducere nequeam ut in priorum opinionibus acquiescam, quumque

1) Richter, l. l. pag. 6.

2) Prause, l. l. pag. 2.

3) Lueth, l. l. pag. 6.

4) Curtius, Grundzüge s. v.

haec disceptatio in multis partibus ambigua sit, ipse quae de rebus controversis sentiam in lucem proferre audeo.

Tres illi viri docti, quorum postremo loco laudavi dissertationes, *πρίν* particulam correlationis via coniunctionem esse factam persuasum habent. Haec hypothesis imprimis ea Graecorum praecipueque Homeri consuetudine nititur, qua idem vocabulum *πρίν* vel aliud similis notationis adverbium etiam in enuntiato primario poni solet. Sed cavendum est, ne hac geminatione ad correlationem statuendam pelliciamur. Haec enim ut agnoscatur oportet duo esse enuntiata, quae pari iure praedita inter se respondeant.¹⁾ Exemplum verae correlationis est illud Homericum *Δ* 220—221:

*ὄφρα τοὶ ἀμφεπένοντο βοὴν ἀγαθὸν Μενέλαον,
τύφρα δ' ἐπὶ Τρώων στίχες ἤλυθον ἀσπιστάων.*

Semper duo enuntiata discernenda sunt, quae eodem tempore quasi concurrunt. Contra afferamus exemplum particulae *πρίν* *Α* 97—98:

*οὐδ' ὅγε πρίν Δαναοῖσι δεικέα λογὸν ἀπώσει,
πρίν γ' ἀπὸ πατρὶ φίλῳ δόμεναι ἐλικώπιδα κούρην.*

Hunc Iliadis locum nec Richter nec Lueth optimum correlationis testem proferre dubitarent, quippe qui non solum *πρίν* — *πρίν* exhibeat, sed etiam negationis praesentia Luethii opinioni satisfaciat.²⁾ Sed correlatio ubi est? Nulla alia his verbis subest ratio quam haec: Actio primaria non ante secundariam perfectam ad effectum veniet. Quomodo enuntiatum certis finibus absolutum cum mera verbi actione infinitivo expressa correlationem inire potest? Haec enim infinitivi actio utrum re vera perficiatur, an cogitata tantum imperfecta maneat, nihil prorsus refert. Multo autem magis mihi mirum videtur, quod tres illi viri ex infinitivo modos finitos provenisse

1) Vide Hartung, Griech. Partikeln pag. 61. „Correlation ist Einklang und Wechselbezug paralleler Sätze.“

Cf. Curtium in Erläuterungen pag. 190.

2) Lueth, l. l. pag. 7.

arbitrantur. Mihi quidem persuasum est *πρίν* adverbium duas ingressum esse vias, quarum altera et illa quidem prior ad infinitivum, altera ad modum finitum fuerit. Itaque priore loco quaeritur, quomodo factum sit, ut ex adverbio *πρίν* particula infinitivum regens evaderet. Viri illi doctissimi correlationis opinioni nimis indulgentes hanc difficultatem, quae in origine infinitivi a *πρίν* particula pendentis posita est, subterfugerunt. Ad illud Langii: ¹⁾ 'Nicht blos das verbum finitum, sondern auch das nomen (substantivum wie adjectivum), ja sogar eine bestimmte casusform oder auch ein adverbium, beziehungsweise ein durch praeposition und casus gebildeter adverbialer ausdruck hat die faehigkeit in sich, praedikativ verwendet zu werden' quasi in confugium sese recipiunt. Quae vox ad intimam rei rationem enucleandam haud multum valet.

Πρίν proprie adverbium esse atque hac significatione praeditum haud raro in Homeri carminibus occurrere nemo fere infitiabitur. ²⁾ Quid? Nonne iure miramur, quod idem vocabulum saepissime apud Homerum cum infinitivo coniunctum videmus, quamquam infinitivus a praepositione sive notione adverbiali pendens ceteroquin a dictione Homerica abhorret? Quomodo igitur in ipsa particula *πρίν* usus tam amplus ac multiplex explicatur? Bernhardy ³⁾ infinitivum ex verbo dicendi vel sentiendi pendere statuisse videtur, quod re vera numquam appositum in sententiarum conexu lateat. Aliam ellipsin Herzog ⁴⁾ statuit, qui infinitivum modo subiecti, modo

¹⁾ Ludw. Lange, der homer. Gebrauch der Partikel *εἰ*, Leipzig 1872, pag. 215.

²⁾ Richter, l. l. pag. 9—26.

³⁾ Bernhardy (Wissenschaftliche Syntax der griech. Sprache pag. 368) dicit: 'Parenthetische Infinitiven beruhen auf der Ergaenzung eines subjectiven Begriffes, etwa *λέγω* oder *ἡγοῦμαι*; gueltig waren hier am meisten *πρίν* und *ὥς*. Cf. etiam pag. 400.'

⁴⁾ N. Jbb. f. Phil. u. Paed. CVII. pag. 17.

obiecti locum tenere existimavit, prout modo εἶναι, modo ποιεῖν ex enuntiato primario supplendum sit. Sed ex ellipseos figura artificiosissime a grammaticis conficta structurae tam vetustae et iam apud Homerum tam crebrae originem repetendam esse vereor ut probandum sit. Viam, qua ad veritatem propius accedamus, nobis aperit alius infinitivi Homericus usus. Etenim si legimus O 642:

ἀμείνων

παντοίας ἀρετάς, ἡμὲν πόδας ἡδὲ μάχεσθαι,

infinitivus μάχεσθαι, quum pari atque antecedentes accusativi potestate utatur, notione instructus est limitativa vel determinativa. Ea res sive facultas designatur, qua filius patri praestat. Melior est et pedibus et pugnando; nos diceremus: In Richtung, in Bezug auf —. Infinitivum autem imprimis directionem ad aliquam rem significare inter omnes nunc constat. Ratio nostri loci est haec, ut notio quae antecedit generalis (παντοίας ἀρετάς) accusativis ut grammaticorum termino utar, limitativis (πόδας et μάχεσθαι) accuratius definiatur atque in partes singulas dividatur. Eodem modo exemplum aliud A 258 se habet:

οἱ περὶ μὲν βούλην Δαναῶν, περὶ δ' ἔσπε μάχεσθαι

(qui et consilio Danaeis praestatis et pugnando);

cf. etiam K 437: θείειν ἀνέμοισιν ὅμοιος.

Primo aspectu elucet infinitivum pendere e notione comparandi, quae in vocabulis ἀμείνων, περὶ, ὅμοιος inest. Sed comparatio ita instituitur, ut non in universum fiat, sed ad singulas tantum partes pertineat. Neque enim, ut locum superiorem explicem, omnibus in rebus melior fuit filius patre, sed pedibus et pugnando. Hoc loco facere non possum, quin ὥστε particulam in comparisonem vocem. Hanc enim e praepositione ὥς, quae directionem ad aliquam rem significat, originem duxisse satis constat. Quodsi notio cum ὥστε particula copulata toto enuntiato exprimitur, infinitivum postulari consentaneum est.

Iam transeamus ad quaestionem de particula *πρίν* coeptam. Si graece dicitur *τοῦτο ἐγένετο* (sive *οὐκ ἐγένετο*) *πρίν ἄλλο τι γενέσθαι*, nonne eodem modo explicabimus: Das war eher in Bezug auf das Geschehen von etwas anderem? Habemus notionem comparandi quae sine dubio in *πρίν* particula inest. Illud autem *τοῦτο ἐγένετο πρίν* — non in universum ponitur, sed ad aliud quiddam refertur. Prioritas, ut cum philosophis loquar, actionis primariae non est absoluta, sed relativa. Limitatio ac circumscriptio notionis generalis exprimitur infinitivo. Hac structura nascente duae solum rationes patebant, aut illa quam modo nominavi *τοῦτο ἐγένετο πρίν ἄλλο τι γενέσθαι*, aut altera *τοῦτο ἐποίησέ τις πρίν ἄλλο τι ποῆσαι*. Sed ubi primum vis particulae *πρίν* originaria obscurari atque in naturam coniunctionis commutari coepta est, hae duae rationes fieri non potuit, quin inter se commiscerentur. Ex quo factum est, ut aliorum etiam schematum structurae formarentur, velut *τοῦτο ἐγένετο πρίν τινα ἄλλο τι ποῆσαι* sive *τοῦτο ἐποίησέν τις πρίν ἄλλο τι γενέσθαι*. Ecce causam multiplicis infinitivi usus! — Sed dicet quispiam, quid? Repetitionem illam voculae *πρίν* apud Homerum tam crebram quomodo tu explicas? Ex nostra hypothesi sequitur particulam *πρίν* imprimis membrum esse enuntiati primarii, cuius inter verba proprius ei locus debeat. Quoniam autem eadem particula ad infinitivum quodammodo pertinet, nonne consentaneum est eam perspicuitatis causa ante infinitivum quasi *ἐπαναληπτικῶς* repeti, praesertim si longius verborum intervallum intercedit?

Quod ut luculentius demonstramus, ex magna exemplorum silva hoc eligamus X, 154:

ὅθι εἵματα σιγαλόεντα
πλύνεσχον Τρώων ἄλοχοι καλαί τε θύγατρες
τὸ πρίν, ἐπ' εἰρήνης, πρίν υἱας ἔλθεῖν Ἀχαιῶν.

Fuerat, quum Troianorum uxores filiaeque in pace atque otio vestimenta lavarent. Hoc temporis spatium triplicem in modum determinatur a poeta. Primo in

universum tempus nominatur prius (τὸ πρὶν) id est praeteritum, deinde pacem tunc fuisse commemoratur (ἐπ' εἰρήνης), postremo arctior temporis descriptio additur (πρὶν ἔλθεῖν υἱας Ἀχαιῶν). Haec tertia temporis circumscriptio primam rursus excipit atque accuratius definit: „prius enim quam fuit Graecorum adventus“. Nullo pacto fieri potuit, ut illud πρὶν ante infinitivum omitteretur, quamquam eadem vox paulo ante exstabat. Correlatio vero hoc loco nihil ad rem facit. Nam hac inter duas sententias statuta periodus quaedam existat necesse est; hic autem nec πρότασιν nec ἐπίδοσιν habemus, sed unum enuntiatum primarium, cui infinitivus a particula πρὶν pendens aequae ac notiones adverbiales τὸ πρὶν et ἐπ' εἰρήνης insertus est. Quo magis autem vis adverbii πρὶν primaria evanuit atque in naturam coniunctionis abiit, eo saepius illud antecedens adverbium omissum est; postremo nisi antecedente negatione, cui quasi adminiculo est, fere non invenitur. Nonnulla accedunt ad argumentationem nostram corroborandam. In Iliade exceptis duobus locis, ubi οὐ πάρος πρὶν (E 218) et πρὶν — τόσσα (Φ 100) legitur, idem semper adverbium πρὶν antecedit; crebrius iam in Odyssea alia obvia sunt adverbia πάρος (β 127 et σ 288) πρόσθεν (ψ 138); in νεκυία vero iam πρὶν ad adiectivum πρότερος referendum est (λ 88).¹⁾ Praeterea infinitivus post enuntiatum primarium locum habere solet excepto uno Iliadis loco (Φ 100). Ea vero re nostram opinionem omnibus prioribus multo praestare putamus, quod discrimen inter sententias affirmativas et negativas constitutum nihil in eam cadit. Itaque usus ille Homericus infinitivum etiam in sententiis negativis adhibendi nulla nobis negotia facessit.

§ 2. Infinitivi a πρὶν particula pendentis quae sit ratio.

Sed mittamus plures de origine ac historia particulae πρὶν expositiones et disputationem in angustiore

¹⁾ Delego ad Richterum, l. l. pag. 36, 37.

gyrum compellamus. Infinitivus cum *πρὶν* coniunctus apud Thucydidem et Xenophontem quam rationem habeat ac quomodo usurpetur, perquiramus. Grammaticorum recentiorum de hac re praecepta afferre supervacaneum esse puto, quae quam sint futilia atque incerta et Prause¹⁾ et Lueth²⁾ optime iam demonstraverunt. Mihi quidem in structura infinitivi intelligenda id imprimis tenendum videtur, de qualitate actionis secundariae nullum fieri iudicium, quae utrum sit vera an cogitata, ad rationem sententiae primariae nihil valet. Distinguendum autem est inter eos infinitivos, qui omni temporum ratione orbiati ad tempus solum sententiae primariae determinandum spectant, et eos qui certo per se tempore constant. Eandem distinctionem Foerster in animo habuisse videtur, quum dicit:³⁾ „His de iis locis, ubi *πρὶν* cum infinitivo enuntiationis pendentis pars est, expositis eos aggrediar, in quibus *πρὶν* cum infinitivo tempus actionis per se constantis describit ac definit.“

Exemplis allatis discrimen facilius perspicietur. Legimus Thuc. VI, 61, 1: *οἵπερ καὶ πρὶν ἐκπλεῖν αὐτὸν ἐπέθεντο.*⁴⁾ Illud *πρὶν ἐκπλεῖν αὐτόν* nihil aliud indicat nisi temporis spatium, quo adversariorum calumniae fiebant. Infinitivus tantum abest, ut periodum cum enuntiato primario efficere possit, ut membrum sit sententiae regentis. Propius ad similitudinem gerundii latini accedit. Vertemus igitur hunc locum hoc modo: qui etiam ante proficiscendum ei insidiati erant. Quin etiam omni enuntiatu regentis dominatu liberatus ac quasi absolutus infinitivus occurrit uno Thucydidis loco III, 64, 3: *τὴν τελευταίαν πρὶν περιτερχίζεσθαι πρόκλησιν — οὐκ ἐδέχεσθε*, id est: ultimam ante obsidendum adhortationem

1) Prause, l. l. pag. 6.

2) Lueth, l. l. pag. 13.

3) Foerster in priore Misc. Vrat. libello pag. 17.

4) In locis Thucydideis citandis utor editionibus Imm. Bekkeri, Classeni, Stahl, qui in paragraphorum numeris consentiunt.

non accepistis. Infinitivus cum *πρίν* particula coniunctus tamquam merum adverbium inter articulum et nomen ex Graecorum more interpositus est. Etiam longius progreditur illud Xenophontis Ἀγῆσ. 1, 5 τῆς πρίν ἄρξαι ἀρετῆς (virtutis ante imperium susceptum spectatae), quum hoc loco etiam adiectivum, quo in Thucydidis exemplo *πρίν* fulcitur, absit. Neque tamen haec dictio a natura particulae *πρίν* abhorret. Iam Krüger¹⁾ huius generis exempla secluserit, quum *πρίν* particulam his locis praepositionis vi usurpatam esse dicat. Munus illud determinandi tempus actionis primariae ad rationem limitativam, ex qua infinitivum a *πρίν* particula pendentem ortum esse supra contendimus, facillime licet revocare. Haec sunt vestigia vetustioris, ut opinor, particulae *πρίν* usus.

Diversa est ratio alterius generis exemplorum. Afferam Thuc. I. 141, 1: διανοήθησε ὑπακούειν πρίν τι βλαβῆναι. Nullus hoc loco sermo est de temporis determinatione. Actio enim enuntiati secundarii imminens ne ad effectum veniat, actio primaria antecedit necesse est. Latet in infinitivo aliquid condicionale; namque sensus est hic: obsequendum vobis est, nisi detrimentum capere vultis. — Dictionis limitativae exempla plerumque in mera rerum gestarum narratione antecedente tempore praeterito occurrunt; alterius generis loci semper ad tempus futurum pertinent, ita ut infinitivus habeat notionem futuri exacti. Itaque omnem materiem ita disponemus, ut priore loco eos infinitivos a particula *πρίν* pendentes enumeremus, quibus in enuntiato primario antecedit tempus praeteritum, posteriore eos, quibus antecedit tempus futurum sive similis notio. Quum vero Thucydides infinitivum sexagies septies, Xenophon septies et centies adhibuerit, ne exemplorum multitudine obruamur, unumquemque scriptorem, priorem Thucydidem, posteriorem Xenophontem, solum pertractabimus. Hac

1) Krüger, in annotat. ad Thuc. I, 39, 2.

separatione id quoque consequemur, ut unius cuiusque proprietates melius cognoscantur.

§ 3. De usu infinitivi a *πρίν* particula pendentis Thucydideo.

Ac primum quidem sententia primaria continetur tempore praeterito, aut aoristo, aut imperfecto, aut praesente historico. Saepissime antecedit simplex aoristi indicativus I, 39, 2; I, 68, 2; III, 24, 2; IV, 22, 1; IV, 70, 3; IV, 83, 3; IV, 125, 3; IV, 135; V, 38, 2; V, 84, 4; VI, 61, 1. Duobus locis IV, 101, 3 et V, 45, 4 infinitivus cum *πρίν* particula iunctus referendus est ad aoristi participium. Ad aoristum prope accedit illud imperfectum, quod sensu aoristi usurpatur in verbis proficiscendi (cf. IV, 78, 5 *ἐχώρει*, V, 65, 3 *ἀπῆγεν*, VIII, 42, 1 *ἐπέπλει*, et dicendi II, 13, 1 *προηγόρευε*. Sed etiam imperfecta propria haud raro occurrunt II, 56, 1; VI, 97, 3; VIII, 45, 1. Non minus creber est usus praesentis historici; cf. II, 12, 2; II, 67, 3; II, 82; VI, 4, 3. Hoc loco etiam imperfecta vel praesentia iterativa nominanda sunt IV, 14, 1; IV, 67, 4; V, 60, 5 et I, 39, 1, quorum in ultimo loco *τὸν πρίν διαγωνίζεσθαι καθιστάντα* participium praesentis cum articulo copulatum notionem habet iterativam. His addendus est unus locus, ubi praesens proprium exstat IV, 20, 1 (*ἡμῶν δὲ καλῶς, εἴπερ ποτέ, ἔχει ἀμφοτέροις ἢ ξυνάλλαγή, πρίν τι — καταλαβεῖν*). Nunc horum locorum qualis sit indoles ac natura accuratius investigemus.

Primo loco infinitivus a particula *πρίν* pendens ad tempus actionis primariae determinandum spectat. Hoc sine dubio usu venit, si infinitivus temporis notionem habet ipse. Afferam IV, 67, 4: *πρίν ἡμέραν εἶναι ἐσῆγον*. Haec verba nihil aliud significant quam: *ἄμ' ἡμέρα* (mit Tagesanbruch) *ἐσῆγον*. Simile exemplum occurrit IV, 2, 1: *πρίν τὸν σῆτον ἐν ἀκμῇ εἶναι ἐσέβαλον*. Quoniam autem frumenti maturitas certo anni tempore fieri solet, enuntiatum illud meram notionem temporalem aequiparat,

velut si Thucydides perrexisset: ὑπὸ σίτου ἀκμήν. (Cf. initium libri quarti, ubi legitur: τοῦ ἐπιγεγνωμένου θέρους περὶ σίτου ἐκβολήν.) Iam vero in enuntiato primario exstant voces certum temporis spatium significantes, ad quas sententia a πρὶν particula pendens dirigenda est. Exempli gratia affero I, 125: ἐνιαυτὸς μὲν οὐ διετρίβη, ἔλασσον δὲ πρὶν ἐσβαλεῖν. Quamquam negatio antecedit, tamen sensus est positivus: anno minus contritum est, antequam incursionem susciperent. Cf. VI, 2, 5, ubi ἔτη ἑγγὺς τριάκοντα arctissime cohaeret cum infinitivo. Quin etiam ad eam ventum est audaciam, ut notio quodammodo localis anteiret, ad quam particula πρὶν pertineret. VI, 97, 3: στάδιοι πρὶν προσμῖξαι ἐκ τοῦ λειμῶνος ἐγγίνοντο οὐκ ἔλασσον ἢ πέντε. Verte: stadia antequam manus conserere possent, inde a prato percurrenda erant non minus quam quinque.

Hanc vero locutionem Thucydides proprie adhibere solet, quum rem narratam sive narrandam certis temporum finibus circumscribere vult, ita ut terminum, post quem et terminum, ante quem res facta sit, indicet. Exempli gratia nomino VI, 4, 2: πρὶν δὲ ἀναστῆναι, ἔτεσιν ὕστερον ἑκατὸν ἢ αὐτοὺς οἰκίσαι, Πάμυλλον πέμψαντες Σελινούντα κτίζουσιν. Κτίσις Selinuntis certis includitur terminis, quorum alter, expulsio colonorum Megarensium (πρὶν δὲ ἀναστῆναι) iam ex narratione antecedenti notus est, alter deductio coloniae annorum numero addito statuitur (ἔτεσιν ὕστερον ἑκατὸν ἢ αὐτοὺς οἰκίσαι). Ad hunc locum prope accedit alius VIII, 45, 1: ἐν δὲ τούτῳ καὶ ἔτι πρότερον, πρὶν ἐς τὴν Ῥόδον αὐτοὺς ἀναστῆναι, τάδε ἐπράσσετο. Thucydides continua rerum gestarum narratione interrupta res iam praeteritas repetiturus initio huius episodii, qua est religione ac diligentia, temporis spatium accuratius designat duobus adverbiiis ἐν δὲ τούτῳ (id est: dum expeditio Rhodia fit) et καὶ ἔτι πρότερον (atque etiam antea). Adverbio πρότερον, quum ei haud satis perspicuum esse videretur, quasi interpretamentum πρὶν ἐς τὴν Ῥόδον ἀναστῆναι addidit. Eodem igitur modo tempus, quo res gestae

sunt, duobus terminis circumclaudit. Simili ratione interpretandi sunt loci II, 13, 1 et II, 56, 1. Nam quum in prioribus locis infinitivi a *πρὶν* particula pendentes cum adverbiiis sive notionibus temporalibus (*ἔτεσσιν ὕστερον ἑκατὸν ἤ* et *ἐν δὲ τούτῳ*) concurrerent, his de quibus nunc agendum est locis cum participiis, quibus ratio inest temporalis, quasi in certamen veniunt. Loci digni sunt, quos fusius describamus.

II, 13, 1: *ἔτι δὲ τῶν Πελοποννησίων συλλεγομένων τε ἐς τὸν ἰσθμὸν καὶ ἐν ὁδῷ ὄντων, πρὶν ἐσβαλεῖν ἐς τὴν Ἀττικὴν, Περικλῆς ὁ Ξανθίππου — προηγόρευε κ. τ. λ.*

II, 56, 1: *ἔτι δ' αὐτῶν ἐν τῷ πεδίῳ ὄντων, πρὶν ἐς τὴν παραλίαν γῆν ἐλθεῖν, ἑκατὸν νεῶν ἐπείλουν τῇ Πελοποννήσῳ παρεσκευάζετο.*

Id temporis momentum, quo actio primaria perfecta est, quam potest accuratissime describere vult Thucydides; itaque duobus id enuntiatis notionem temporalem habentibus quasi cancellis circumdat. Prorsus reicienda est Cobeti ¹⁾ opinio, qui enuntiata a *πρὶν* particula pendentia, ut quae inanem tautologiam continerent, duobus locis tamquam glossemata scholiastarum plane delere voluit. — Hac Thucydidis ratione perspecta locum undique tentatum atque impugnatum ²⁾ (III, 69, 2) ad meliorem perspicuitatem promoveri posse puto. Verba sunt haec: *ἐβούλοντο γὰρ οἱ Λακεδαιμόνιοι ἐς τὴν Κέρκυραν πλεῦσαι στασιάζουσιν δώδεκα μὲν ναυσὶ μόναις παρόντων Ἀθηναίων περὶ Ναύπακτον, πρὶν δὲ πλέον τι ἐπιβοηθῆσαι ἐκ τῶν Ἀθηναίων ναυτικόν, ὅπως προφθάσωσι.*

Duo membra inter se respondentia haud dubium, quin particulis *μὲν* — *δέ* indicentur. Enuntiato vero a *πρὶν* particula pendenti notionem temporis inesse vix quisquam infitiabitur. Itaque aliorum exemplorum similitudine adductus etiam in participio (*παρόντων*

¹⁾ Ann. ad Hyper. pag. 59.

²⁾ De controversiis editorum recentiorum vide Popp. et Class. ad hunc locum.

'*Αθηναίων*) non magis causalem, quam temporalem notionem valere existimo. Habemus igitur eundem duorum enuntiatorum concursum, quem Thucydidis proprium esse exemplis demonstravimus. Sententia regens ab enuntiato *ὅπως προφθάσῃ* petenda est, quod rursus pendet re grammatica salva a verbis enuntiatorum primarii *ἐβούλοντο πλεῖσαι*. At quaerat quispiam, quid? Enuntiatum finale nonne ad sententiam enuntiatorum cum *πρὶν* particula consociati solam pertinet? Quodsi etiam cum genetivo participii coniungendum esse statuis, rationem nonne logicam conculcas? Age vero rem consideremus. Thucydides enim dum enuntiatum prius, participium absolutum, conscribit, haud scio an sententiam ita concludere in animo habuerit, ut diceret *ὅπως παραγένωνται*. Addito autem altero cum *πρὶν* particula enuntiato sententia primaria turbata atque obscurata est, ita ut clausula periodi per zeugma fieret *ὅπως προφθάσῃ*. Verbum enim *προφθάσῃ* ad particulam *πρὶν* solam, quippe quae haud procul absit, respicit. Vertendum igitur nostrum locum hoc modo puto: Lacedaemonii enim protinus Corcyram navigare voluerunt, ut haec expeditio fieret, et quum Athenienses cum duodecim dumtaxat navibus ad Naupactum essent, et antequam maiore navium multitudine Athenis auxilio venissent.

Simillimus est alius particulae *πρὶν* usus, qui in duobus temporum spatiis comparandis cernitur. Afferam VI, 11, 1: *ἀνόητον δ' ἐπὶ τοιούτους ἔναι ὃν κρατήσας τε μὴ κατασχῇσι τις καὶ μὴ κατορθώσαι μὴ ἐν τῷ ὁμοίῳ καὶ πρὶν ἐπιχειρῇσαι ἔσται*. Hoc est: his rebus male gestis res non in eodem statu erit, quo ante conatum (scilicet erat). Ellipsis enim constituenda est. Facile perspicimus infinitivum *πρὶν ἐπιχειρῇσαι* non pendere a futuro *ἔσται*, sed a praeterito *ἦν*, quod ex illo futuro depromendum est. Sententia si tota pertractaretur, hoc modo exprimenda erat: *μὴ ἐν τῷ ὁμοίῳ καὶ ἐν ᾧ ἦν πρὶν ἐπιχειρῇσαι ἔσται*.

Simili ellipsi insignes sunt duo alii loci I, 39, 2: οὗτοι δ' οὐ πρὶν πολιορκεῖν τὸ χωρίον, ἀλλ' ἐπειδὴ ἡγήσαντο ἡμᾶς οὐ περιόψεσθαι, τότε καὶ τὸ εὐπροπὲς τῆς δίκης παρέσχοντο et I, 68, 2: καὶ δι' αὐτὸ οὐ πρὶν πάσχειν, ἀλλ' ἐπειδὴ ἐν τῷ ἔργῳ ἐσμέν, τοὺς ξυμμάχους τούσδε παρεκαλέσατε. Haud dubium est, quin oppositio quaedam intercedat inter periodi membra. Sed neque ita fit, ut duo agendi termini statuantur, neque ita ut comparatio intercedat inter agendi tempora. Verum his locis gravitas illa oppositionis aliam causam habet. Sententiarum conexus in posteriore exemplo hic est: non antequam in mala incidimus, sed nunc demum, quum mediis in rebus adversis versamur, socios vocavistis. Tempus enim socios vocandi serum elegisse Lacedaemonios docere vult. Quod ut gravius exprimat, ἀντίθετον format. Simplicem sententiam ἐπειδὴ ἐν τῷ ἔργῳ ἐσμέν in contrariam mutatam atque cum negatione coniunctam in initio periodi dignitatis augendae causa collocat. Cardo igitur periodi vertitur in his verbis: non prius quam sed posteaquam. Hinc simul efficitur negationem ante πρὶν particulam positam non esse veram, sed per artem quodammodo inductam, ita ut ad structuram enuntiati a πρὶν particula pendentis ne minimum quidem valeat. Est sane genus dicendi rhetoricum. Et vere duo illa exempla occurrunt in orationibus. Antiphontis locum V, 25, qui ad eandem fere rationem conformatus est, in comparisonem vocemus. Verba sunt haec: πρῶτον μὲν γὰρ πρὶν ἀνάγεσθαι με εἰς τὴν Αἴνον οὐδεὶς ἡτιάσατό με ἀνθρώπων· ἐπειδὴ δὲ ἐγὼ τε ὥχόμεν πλέων — τότε ἡτιάσαντο. Illud tantum interest, quod ἀντίθετον apud Antiphontem sine ulla verborum ellipsi plane explicatum per voces μὲν — δέ formari videmus (πρῶτον μὲν πρὶν — οὐδεὶς ἡτιάσατο, ἐπειδὴ δέ — τότε ἡτιάσαντο), apud Thucydidem vero propter brevitem dicendi magis contractum per particulam ἀλλὰ indicari animadvertimus (οὐ πρὶν πολιορκεῖν — ἀλλ' ἐπειδὴ). Hanc formulam dicendi Thucydidem ab Antiphonte delibasse eamque in suum usum convertisse

mihi persuasi. Bothium¹⁾ quum Antiphontis et Thucydidis dictionem inter se comparare studuerit, haec similitudo valde memorabilis fugit. Fortasse aliquid confert ad argumenta eorum corroboranda, qui Thucydidem ab Antiphonte doctrina rhetorica imbutum esse contendunt.

Iam transeamus ad alteram exemplorum seriem, quorum enuntiatum primarium ad tempus futurum spectat. Harum classium quasi in confinio verbum *φθάνειν* positum est; nam propriae praeveniendi significationi admixta atque adspersa est voluntas quaedam appetendi et captandi. Septies apud Thucydidem usurpatur sequente particula *πρὶν*, ita ut quater cum verbis optandi notione praeditis consociatum (IV, 4, 3. IV, 104, 3. IV, 67, 4. VII, 36, 1), bis tantum solum occurrat (IV, 79, 1 et VI, 97, 2); semel mero futuro continetur VIII, 12, 1. Sed alia huius ordinis exempla enumeremus. Imprimis tenendum est merum tempus futurum rarissime inveniri; apud Thucydidem praeter unum, quem modo nominavi, locum alter exstat V, 9, 4 *πρὶν ξυνταθῆναι προσπεσοῦμαι*; adiungendus est IV, 85, 2, ubi infinitivus futuri a verbo sentiendi pendens invenitur *οἰόμενοι πρὶν ἀφικέσθαι ἤξειν*. Duobus locis imperativi antecedunt I, 78, 1: *πρὶν — γενέσθαι προδιάγνωτε* et I, 141, 1 *διανοήθητε πρὶν τι βλαβῆναι*. Eo frequentius alias enuntiatii primarii formas adhibitas videmus, quibus notio futuri efficitur. Saepissime occurrunt verba ad optandi notionem pertinentia, velut *βούλεσθαι* (I, 20, 3; II, 86, 4; II, 93, 1; III, 69, 2; IV, 67, 5; IV, 104, 3; VII, 36, 1), *ἐπιέσθαι* (IV, 4, 2), *μέλλειν* (VI, 76, 1), *διανοεῖσθαι* (IV, 72, 1), *ἀρκεῖν* (III, 30, 1), *έτοῖμον εἶναι* (VI, 29, 1), *οὐ χαλεπὸν εἶναι* (III, 94, 4). His adde verba iubendi: *κελεύειν* (V, 41, 2), *προειπεῖν* (IV, 128, 1), *ἀναγκάζειν* (IV, 125, 2), *χρῆναι* (III, 46, 4), *βουλεύεσθαι* (V, 8, 3). — Haec exempla

¹⁾ Phil. Both, de Antiphontis et Thucydidis genere dicendi, dissert. Marburgensis (1875) pag. 41.

fere omnia ad idem schema conformata sunt, quod latine hoc modo exprimendum esse arbitror: hoc eventurum volo, antequam illud factum sit. Non terminus, ante quem actio enuntiati primarii fiat, statuitur; gravissimum est consilium sive spes subiecti fore ut actio primaria perficiatur, antequam secundaria incohata sit. Cf. II, 86, 6: *βουλόμενοι ἐν τάχει τὴν ναυμαχίαν ποιῆσαι πρὶν τι καὶ ἀπὸ τῶν Ἀθηναίων ἐπιβοηθῆσαι* = quum citissime proelium navale committere vellent, priusquam etiam ab Atheniensibus subsidium advenisset. Infinitivus sub dicione cogitationis dominantis est. Contra si Thucydides scripsisset: *τὴν ναυμαχίαν ἐποίησαν πρὶν τι καὶ ἀπὸ τῶν Ἀθηναίων ἐπιβοηθῆσαι*, infinitivus dominatu sententiae primariae liberatus temporis determinationi soli inserviret. Antequam hanc dissertationis partem concludam, duo exempla commemoranda sunt, in quibus infinitivus a *πρὶν* particula pendens periodo condicionali subiunctus est IV, 69, 1: *νομίζοντες, εἰ πρὶν ἐπιβοηθῆσαι τινὰς ἐξέλοιεν, θάσσον ἂν καὶ τὰ Μέγαρα προσχωρῆσαι*, et VI, 49, 2: *ἦν δὲ χρονίῃ πρὶν ἐς ὕψιν ἐλθεῖν, τῇ γνώμῃ ἀναδαρσοῦντας ἀνθρώπους καὶ τῇ ὀφεί καταφρονεῖν μᾶλλον*. Utroque loco infinitivus ad protasin pertinet. Circuitus orationis utrum sit simplex an compositus, ad infinitivum nihil valet.

Hucusque de iis tantum locis quaestio nobis erat, quorum enuntiatum primarium vera negatione carebat. Accedamus iam ad eas *πρὶν* particulae cum infinitivo structuras, quarum sententiae primariae vera inest negandi vis. Si Proksch ¹⁾ in sententiis negativis apud Thucydidem infinitivum a *πρὶν* particula pendentem exstare prorsus negat, vereor ut singula accuratius inspexerit. Decem sane occurrunt loci, qui negationem habent. Sed accurate distinguendum est, utrum negatio sit vera atque aperta, an occulta atque tecta. Si legitur I, 125 *ἐναυτὸς μὲν οὐ διετρίβη, ἔλασσον δὲ πρὶν ἐσβαλεῖν*, sensus omnino est affirmativus; una vox quodammodo

¹⁾ N. Jbb. f. Phil. u. Paed. (1877) pag. 454.

restringitur (anno minus praeteriit). Neque magis locus VI, 97, 3 sensu negativo praeditus est; *στάδιοι οὐκ ἔλασσον ἢ πέντε καὶ εἴκοσι* idem valet ac *στάδιοι πέντε καὶ εἴκοσιν αὐτοί*. Nihil dicendum est de loco III, 94, 4 *οὐ χαλεπὸν ἀπέφαινον, πρὶν ξυμβοηθῆσαι, καταστραφῆναι*, quoniam *οὐ χαλεπὸν* eandem quam *ρόδιον* vim habet. De ellipsi, qua VI, 11, 1 affirmatio procreatur, iam supra diximus pag. 14, ubi etiam rationem locorum I, 39, 2 et I, 68, 2 exposuimus. Restat locus dubius VI, 76, 1 *οὐ τὴν παροῦσαν δύναμιν τῶν Ἀθηναίων μὴ αὐτὴν καταπλαγῆτε, δέισαντες ἐπρεσβευσάμεθα, ἀλλὰ μᾶλλον τοὺς μέλλοντας ἀπ' αὐτῶν λόγους, πρὶν τι καὶ ἡμῶν ἀκοῦσαι, μὴ ὑμᾶς πείσωσιν*. Sunt qui ita explicent, ut infinitivus *πρὶν τι ἀκοῦσαι* referendus sit ad enuntiatum negativum *μὴ τι πείσωσι*. Sed iam Krueger quum verteret, 'die von ihnen noch bevor ihr auch uns angehoert vorzutragenden Worte', recte intellexit illud *πρὶν τι ἀκοῦσαι* arctius cum *τοὺς μέλλοντας ἀπ' αὐτῶν λόγους* coniungendum esse. Hermocrates enim, Syracusanorum legatus, orationem ingressurus apud contionem Camarinaeorum duas causas legationis profert, alteram quamvis manifestam, tamen minorem, quod Atheniensium classis praesto sit, alteram quamvis coniectancam, tamen gravius metuendam, quod Atheniensium legati ipsos contionando praevertere possint. His causis duo pericula efficiuntur, quae duobus enuntiatis (*μὴ αὐτὴν καταπλαγῆτε* et *μὴ ὑμᾶς πείσωσιν*) a participio *δέισαντες* pendentibus exprimuntur. Namque non modo metuendum erat, ne classe Atheniensium haud procul absente animi Camarinaeorum timore perturbarentur, sed potius cavendum erat, ne Atheniensium legati orationem prius Syracusanis habituri eloquentia blanda animorum conciliatrice Camarinaeos sibi socios adiungerent. Itaque ut hoc utrumque vitaretur, quam citissime a Syracusanis legati missi sunt. Tali modo locum interpretati non solum continuum sententiarum progressum dispicimus, sed etiam eleganti quadam verborum concinnitate delectamur. Sunt autem οἱ μέλλοντες ἀπ' αὐτῶν λόγοι orationes ab Atheniensium

legatis habendae. Hermocrates quum eloquentia Athenienses multum praestare haud ignoraret, nihil antiquius habuit quam ut prior orationis potestatem nancisceretur. Et profecto quidem id quod cupiebat assecutus est, et ut prior verba faceret ei contigit. Attamen hanc anteriorem ratiocinationem aptissime ex mente Syracusanorum ab oratore prolata in initio poni consentaneum est, quo causa legatos propere mittendi luculentius illustretur. In participio μέλλοντας vis hypothetica occulta latet. Periculum ipsum tunc fuisse sublatum iam participio aoristi δειώσαντες satis mihi demonstrari videtur. Itaque coniecturam Kruegeri ἐλθόντας ut supervacaneam repellendam esse censeo.

Quattuor restant loci, quorum duo negationem apertam, duo abditam exhibent V, 10, 3; VII, 50, 4 et II, 53, 3; VII, 28, 3. Iam supra in locis I, 39, 2 et 68, 2 tractandis vidimus infinitivos antecedente negatione merae temporis determinationi inservire. Eadem ratio optime in haec exempla quadrat. Consideremus locum VII, 28, 3: ἐς φιλονικίαν καθέστασαν τοιαύτην ἣν πρὶν γενέσθαι ἠπίστησεν ἂν τις ἀκούσας. Negatio in verbo ἀπιστεῖν occulta est. Memorabilis hoc loco est infinitivus pendens ab indicativo aoristi cum ἂν particula coniuncto. Nihilo secius infinitivus rem vere factam exprimit. Namque antecedunt verba ἐς φιλονικίαν καθέστασαν, quae actionem infinitivi perfectam iam esse satis demonstrant. Sensus est: tanto vincendi ardore abripiebantur, quantum fieri posse, priusquam re vera factus est (πρὶν γενέσθαι), vix quisquam credidisset. Simillimus est locus II, 53, 3: ἄδηλον νομίζων εἰ πρὶν ἐπ' αὐτὸ ἐλθεῖν διαφθαρήσεται. Incertum illud, quod in enuntiato ab εἰ incipienti inest, ad infinitivum non pertinet. Itaque coniunctivum ἔλθῃ, quem nonnulli habent codices, repellamus. Si ea quae supra de duobus infinitivorum generibus exposuimus in memoriam revocamus, facile apparebit huiusmodi infinitivos omni sententiae primariae dominatu liberatos per se constare. Duobus quae restant exemplis hanc

opinionem firmemus V, 10, 3: οὐ βουλόμενος μάχῃ διαγωνίσασθαι πρὶν οἱ καὶ τοὺς βοηθοὺς ἔχειν et VII, 50, 4: οὐδ' ἂν διαβουλεύσασθαι ἔτι ἔφη, πρὶν, ὥς οἱ μάντις ἐξηγοῦντο, τρεῖς ἑννέα ἡμέρας μεῖναι. Inter utrumque locum is est consensus, ut sententia cum πρὶν particula coniuncta meram temporis notionem habeat. Is terminus accurate definitur, ante quem actio primaria non perficiatur. In altero vero exemplo spatium temporis certo dierum numero indicatur. Optativum vel coniunctivum si quis legendum esse putaret, sententiam laederet. Sensus enim perversus evaderet, Nicias sua sponte moram viginti septem dierum sibi imposuisse. Minime quidem dicere vult Thucydides: Nicias deliberare noluit, antequam viginti septem dies moratus esset; hoc contra in animo habuit effari Nicias ante moram viginti septem dierum, quae a sacerdotibus praecepta erat, peractam deliberare nolle.

Antequam infinitivi a πρὶν particula pendentis usum Thucydideum concludam, non abs re fore arbitror pauca de formula πρότερον — ἥ cum infinitivo coniuncta dicere, quae tribus locis exstat I, 69, 5; VI, 58, 1; VIII, 45, 5. Dignissimum est commemoratu Thucydidem ne uno quidem loco πρότερον — πρὶν usurpare¹⁾, sed quotiens πρότερον antecedit, semper ἥ ponere. Qua in re mirum in modum cum Antiphonte congruit.²⁾ Enuntiatum primarium continetur tempore praeterito, bis aoristo, semel imperfecto (VIII, 45, 5). Sensus si respicimus, mea quidem sententia nihil interest inter πρὶν et πρότερον — ἥ. Sed formula πρότερον — ἥ multo post potestatem infinitivi regendi nacta est, quum vis infinitivi primaria, e qua originem infinitivi πρὶν particulam sequentis derivavimus, iam non sentiretur. Itaque illa ratiocinatio, qua usum infinitivi a πρὶν particula pendentis exponere studuimus, ad formulam πρότερον — ἥ non quadrat. Alia via infinitivo regendo potita est.

1) De loci VIII, 45, 1 natura cf. pag. 12.

2) Lueth, l. l. pag. 8.

Mera huic structurae subest ratio comparativa, qua infinitivus procreatur. In comparisonem vocemus locum VI, 4, 2 (ἔτεσον ὕστερον ἑκάτὸν ἢ αὐτοὺς οἰκίσαι), ubi ὕστερον ἢ cum infinitivo copulatum est. Itaque adverbium πρότερον numquam fieri potuit ut sequenti ἢ particula careret. Quam ob rem locum VIII, 45, 5 Vaticani codicis auctoritatem secuti, qui solus ἢ, quod ceteri non habent, servavit, sic scribemus: αὐτὸς ἐς Ἀθηναίους πρότερον ἢ ἀποστέλλει ἀνέλκων. — Rationes trium illorum locorum, qui πρότερον — ἢ cum infinitivo iunctum praebent, si inter se comparaverimus, consensio sententiarum facile apparebit. Infinitivi enim res vere factas exprimunt. Exempli gratia consideremus locum I, 69, 5: τὸν τε γὰρ Μῆδον αὐτοὶ ἴσμεν ἐκ περάτων γῆς πρότερον ἐπὶ τὴν Πελοπόννησον ἐλθόντα ἢ τὰ παρ' ὁμῶν ἀξίως προαπαντῆσαι; hoc est: Persarum regem scimus ex ultimis terrae finibus prius ad Peloponnesum pervenisse, quam a nobis bellum satis paratum est. — Singulare exemplum exstat II, 40, 2, ubi πρότερον — ἢ ad sententiam negativam se adiungit: οὐ τοὺς λόγους τοῖς ἔργοις βλάβην ἡγούμενοι ἀλλὰ μὴ προδιδαχθῆναι μᾶλλον λόγῳ πρότερον ἢ ἐπὶ ᾧ δεῖ ἔργῳ ἐλθεῖν. Sensus est hic: non verba factis damno esse arbitrati, sed multo perniciosius (scilicet arbitrati) non verbis edoceri, priusquam quis ad rem gerendam sese paravisset. — Etiam VI, 34, 4 loco undique tentato formulam πρότερον — ἢ cum infinitivo consociatam latere suspicio facile existet. In codicibus leguntur verba haec: οὐ περὶ τῇ Σικελίᾳ πρότερον ὁ ἀγὼν ἔσται ἢ τοῦ ἐκείνους περαιωθῆναι τὸν Ἰόνιον. Dobraci coniectura περὶ τῆς Σικελίας, quam Stahlius in textum recepit, locum non sanatum esse puto, propterea quod sententiarum conexus mutatur. Namque ante τοῦ suppleri vult περὶ, ita ut οὐ πρότερον — ἢ fere idem valeat ac οὐ μᾶλλον — ἢ. Neque ipsi mihi medelam huic loco afferre contigit. Quam nunc in medium prolaturus sum explicationem, eam benignitati Rich. Foersteri acceptam refero, qui suam de hoc loco opinionem mecum communicavit. Nihil enim censet esse mutandum; περὶ

cum dativo eandem habere vim atque in verbis timendi ita ut nostrum *für* sive *um* aequiparet, et genetivum τοῦ — *περαιωθῆναι* esse obiectivum, suspensum ab ἀγών voce, ita ut sententia sit: de Sicilia prius non decertabitur, quam certamen de transitu maris Ionii factum erit. Hac explicatione probata de infinitivo a formula πρότερον — ἢ pendenti sermo esse non potest.

Variis infinitivi cum πρὶν particula structuris per-
lustratis non ineptum mihi videtur pertractare, quando infinitivus simplex, quando cum accusativo copulatus a Thucydide usurpetur.¹⁾ Res per se ipsa est facillima, quoniam haec quoque infinitivi structura legibus linguae graecae plane obstricta tenetur. Etenim quotiens in enuntiato secundario persona sive res quaedam subiecti loco cogitanda est, quae eadem in sententia primaria quolibet casu expressa adest, infinitivus simplex ponitur. Plerumque notio primaria communis est inter utrumque enuntiatum, velut I, 78, 1 (τοῦ πολέμου τὸν παράλογον πρὶν ἐν αὐτῷ γενέσθαι προδιάγναι). Sed etiam casus enuntiatii primarii obliquus subiecti vice ad infinitivum supplendus est. Haud raro apud Thucydidem subiectum infinitivi in participiis antecedentibus latet; in dativo participii I, 125: ὁμῶς δὲ καθισταμένοις ὧν ἔδει ἐνιαυτὸς μὲν οὐ διετρίβη, ἔλασσον δὲ πρὶν ἐσβαλεῖν ἐς τὴν Ἀττικὴν; ex genetivo depromendum est II, 13, 1 et II, 56, 1. Vel audacissima est structura locorum I, 68, 2 et VI, 76, 1. Neque enim subiectum infinitivi ex sententia primaria sumendum est, sed ex enuntiatis subordinatis iisque infinitivum sequentibus. Si legimus καὶ δι' αὐτὸ οὐ πρὶν πάσχειν, ἀλλ' ἐπειδὴ ἐν τῷ ἔργῳ ἐσμέν, τοὺς ξυμμάχους παρεκαλέσατε, infinitivus πάσχειν eodem quo enuntiatum ab ἐπειδὴ incipiens nititur subiecto. Hae notiones primae communio indicium est arcti vinculi, quo duo haec enuntiata conexas sunt (cf. pag. 15). Liberius etiam

1) Cf. Theod. Forssmannium in diss. „de infinitivi temporum usu Thucydideo“, Lipsiae 1873, pag. 53 et 79.

altero loco VI, 76, 1 obiectum enuntiati *μὴ ὑμᾶς πείσωσι* ad antecedentem infinitivum subiecti vice revocandum est.

Hoc loco facere non possum, quin de dictione Thucydidis propria verbum addam. Duobus locis II, 53, 4 et VII, 28, 2 enuntiatum a *πρὶν* particula pendens attractione quadam relativa verbis antecedentibus agglutinatum est. Legimus II, 53, 4: *ἦν πρὶν ἐμπεσεῖν εἰκὸς εἶναι τοῦ βίου τι ἀπολαῦσαι*. Pronomen relativum referendum est ad nomen antecedens *τιμωρία*. Simplicius dicendum erat *καὶ πρὶν ταύτην ἐμπεσεῖν*.

Haec satis sunt de usu infinitivi a *πρὶν* particula pendens Thucydideo.

§ 4. De usu infinitivi a *πρὶν* particula pendens Xenophonteo.

Usus infinitivi cum *πρὶν* particula coniuncti Xenophonteus, quamquam numero exemplorum praestat Thucydideo, tanta varietate non excellit. Eandem quam in Thucydidis exemplis rationem disponendi sequamur. Itaque incipiamus ab enumeratione eorum locorum, quorum sententia primaria continetur tempore praeterito. — Duobus locis exstat plusquamperfectum in enuntiato primario Έλλ. VI, 4, 13 et *Κυρ. παιδ.* I, 6, 39, id quod apud Thucydidem nusquam occurrit. Priore loco plusquamperfectum sententiam primariam graviolem efficit, id quod particula *δὴ* addita etiam luculentius demonstratur: *πρὶν καὶ αἰσθῆσθαι τὸ μετ' αὐτοῦ στράτευμα ὅτι ἡγοῖτο, καὶ δὴ καὶ οἱ ἵππεῖς συνεβεβλήκεσαν καὶ ταχὺ ἤττηντο οἱ τῶν Λακεδαιμονίων*. Sensus est: antequam exercitus sensisset Cleombrotum procedere, iam iam equites manus conseruerant. In altero exemplo *Κυρ. παιδ.* I, 6, 39 (*καὶ πρὶν κινεῖσθαι τὰς ὀρνίθας ἐπεποίητό σοι αἱ πάγαι αὐταῖς*) sensus est iterativus: antequam aves moveri inciperent, iam laquei parati esse solebant. Similis est locus *Αναβ.* I, 10, 19, ubi aoristus *ἐφάνη* sensu plusquamperfecti usurpatus est (*πρὶν γὰρ δὴ καταλῦσαι τὸ στράτευμα πρὸς*

ἄριστον, βασιλεὺς ἐφάνη). Vide ne illud γὰρ δὴ ad infinitivum referas. Commune est totius periodi ac magis ad actionem primariam pertinet. Nihil memorabile habet locus *Ἰππ.* 4, 7, ubi infinitivus perfecti *μεμεληκέναι* anteit, quippe cui praesentis notio insit. — Merus aoristi indicativus invenitur in enuntiato primario locis undecim (*Ἀν.* I, 4, 13; I, 4, 16; VI, 5, 1; VI, 5, 5; VII, 7, 46; *Ἑλλ.* I, 4, 10; I, 7, 35; IV, 2, 21; *Κυρ. π.* III, 3, 60; V, 3, 30; VIII, 3, 22.) Bis legitur aoristi infinitivus pendens a verbo dicendi *Ἀν.* IV, 3, 12 et *Ἀπομν.* I, 2, 40. Paene ad sensum aoristicum accedit imperfectum in verbis proficiscendi *Ἀν.* VII, 7, 5 (*πορεύεσθαι*); *Ἑλλ.* II, 4, 25 (*ἐξιέναι*); *Κυρ. παιδ.* II, 2, 4 (*οἴχεσθαι*). Adde imperfecta verbi εἶναι *Ἀν.* VI, 5, 5 (*ἦσαν*); *Ἑλλ.* V, 1, 33 (*παρῆσαν*); *Κυρ. παιδ.* VIII, 4, 11 (*παρῆν*). Eodem modo se habent praesentia historica *Ἀν.* IV, 1, 7, IV, 5, 19; IV, 6, 24; *Κυρ. παιδ.* VIII, 8, 25. Merum antecedit imperfectum *Ἑλλ.* V, 2, 33; participia praesentis notione imperfecti praedita *Ἀν.* VII, 7, 9; *Οἰκ.* 10, 8; infinitivus imperfecti a notione dicendi pendens *Ἀν.* VII, 5, 13. Unum etiam imperfectum de conatu exstat *Ἀν.* V, 6, 16 (*ἐθύετο* = in animo habebat sacra facere). Saepius ad actionem iteratam referendus est infinitivus a particula *πρὶν* pendens. Plerumque occurrit temporis praesentis vel indicativus (*Ἀν.* I, 8, 19; *Κυρ. παιδ.* II, 2, 10; V, 2, 9; *Ἀπομν.* II, 1, 30. *Κυνηγ.* 5, 27. *Ἱερ.* 4, 2) vel participium (*Κυρ. παιδ.* V, 1, 12; *Ἀπομν.* I, 2, 22 et II, 1, 30) vel infinitivus (*Κυνηγ.* 8, 6). Quae in exemplis Thucydideis tractandis observavimus, eadem in Xenophontea quadrant. Hic qui in media rerum gestarum narratione antecedente tempore praeterito obvius fit infinitivus temporis actionis primariae determinando inservit. Neque igitur caremus iis infinitivis, quibus mera subest notio temporalis. Nomino *Ἀν.* VI, 5, 1 (*πρὶν δὲ ἀρίστου ὥραν εἶναι* = ante prandium); *Κυρ. παιδ.* V, 3, 40 et *Ἑλλ.* VI, 4, 25 (*πρὶν καθεύδειν* = antequam cubitum irent, id est vesperi), *Ἀπομν.* I, 2, 40 (*πρὶν εἶχουσιν ἐτῶν εἶναι* = ante annum

aetatis vigesimum peractum). Ad quantam Xenophon progressus sit dicendi audaciam, elucet ex locis *Οἰκ.* 17, 2 (οἱ πρὶν κελευσθῆναι ὑπὸ τοῦ θεοῦ σπεύραντες) et *Ἀγῆσ.* 1, 5 (τῆς πρὶν ἄρξαι αὐτὸν ἀρετῆς), qui infinitivos articulo et nomine circumclusos fere adverbiorum instar praebent. Quid, quod *Κυρ. παιδ.* III, 3, 60 (ἀφίεσαν τὰ βέλη πολὺ πρὶν ἐξικνεῖσθαι) adverbium πολὺ ante particulam πρὶν cum infinitivo consociatam reperitur? Nonne hoc luculentissimum est testimonium etiam aetate Xenophontea memoriam non solum adverbii, sed etiam comparativi remansisse? (Cf. quattuor locos Homericos, qui πολὺ πρὶν ut merum adverbium exhibent: *I* 250; *A* 236; *N* 161; *β* 167.¹⁾)

Uberrime effloruit apud Xenophontem ea infinitivi ratio, quae in duobus temporum spatiis inter se comparandis cernitur (cf. pag. 14). Eadem qua Thucydides utitur ellipsi, ita ut ex verbo regenti delibandum sit tempus praeteritum, ad quod infinitivus a particula πρὶν pendens pertinet. Sive mero comparativo sive simili notione antecedente haec dicendi formula occurrit. Comparativus merus anteit *Ἀν.* VII, 7, 35: ἡ μὲν πολὺ γὰρ ἐστὶν ἑλαττον νῦν σοι καὶ λαβεῖν τοῦτο καὶ ἀποδοῦναι ἢ πρὶν ἡμᾶς ἐλθεῖν πρὸς σὲ δέκατον τούτου μέρους. Supplendum sane est post ἢ haec fere sententia: σοὶ καὶ λαβεῖν καὶ ἀποδοῦναι ἦν. Simillimi sunt loci: *Κυρ. παιδ.* V, 2, 36 (πολὺ μὲν ἐλάττονές εἰσι νῦν ἢ πρὶν ἡτήθηθαι ὑφ' ἡμῶν); ibid. VII, 5, 77 (νῦν πολὺ μᾶλλον ἀσκεῖν τὴν ἀρετὴν ἢ πρὶν τὰδε τὰγαθὰ κτήσασθαι); *Συμπ.* 4, 3 (ἔνιοι καὶ ἐχθιδόνως ἔχουσιν ἢ πρὶν λαβεῖν). Comparativi loco notio comparandi exstat *Ἀπομν.* III, 11, 14 (τηνικαῦτα γὰρ πολὺ διαφέρει τὰ αὐτὰ δῶρα ἢ πρὶν ἐπιθυμῆσαι διδόναι). Ad structuram nihil valet condicio sententiae primariae negativa, ut docent loci *Ἑλλ.* VII, 5, 27 (οὐδέτεροι οὐδὲν πλεον ἔχοντες ἐφάνησαν ἢ πρὶν τὴν μάχην γενέσθαι) et *Ἀπολ. Σωκρ.* § 24 (ἐμοὶ δὲ τί προσήκει νῦν μεῖον φρονεῖν ἢ πρὶν κατακριθῆναι), ubi sensus negativus ex forma interrogativa oritur. Xenophon ut copiosior in dicendo, quo temporum oppositio

¹⁾ Delego ad Richterum, l. l. pag. 5.

clarius appareat, priori plerumque membro vocem *νῦν* adiungit (*Ἀν. VII, 7, 35; Κυρ. παιδ. V, 2, 36; Ἑλλ. VII, 5, 77; Ἀπολ. Σωκρ. § 24*). Huic exemplorum generi asseramus *Περ. ἱππ. 3, 11*, quod etsi non mero comparativo instructum est, ellipsi tamen simili conspicuum est: *εἰ πεπονηκότος ἤδη τοῦ ἵππου πάλιν πειρῶτο ποιεῖν ταῦτα ὅσα περ πρὶν ἄρξασθαι ἵππεύειν* (scl. *ἐποίει*). Multum autem differt ratio unius *Cyropaediae* loci *V, 3, 30*, quo ante infinitivum verbum regens ex antecedenti enuntiato repetendum est (*Ἰαδάτας διέπραξεν ἃ δοκεῖ πᾶσιν ἡμῶν πολλοῦ ἄξια εἶναι, καὶ ταῦτα πρὶν καὶ ὅτιοῦν ὑφ' ἡμῶν ἀγαθὸν παθεῖν*).

Aliis quoque locis mera comparatione sublata quasi ἀντιθετικῶς haec infinitivi structura a Xenophonte usurpatur *Ἀν. VII, 7, 5*: *πρὶν ὑμῶν φίλοι γενέσθαι ἐπορευόμεθα· ἐπεὶ δὲ ἡμῶν φίλοι ἐγένεσθε* — *νῦν δὴ κτλ.* Cf. *Ἀν. VII, 7, 9* et *46*, ubi responsio voculis *μέν* — *δέ* indicatur. Addendus est similis locus *Ἀπομν. I, 2, 22*, ubi pro enuntiato a coniunctione *ἐπεὶ* pendenti participium invenitur (*δυνάμενοι φεῖδεσθαι πρὶν ἐρᾶν, ἐρασθέντες δὲ οὐκέτι δύνανται*). Non obliviscendum est omnia huiusmodi oppositionis exempla excepto uno (*Ἑλλ. VII, 5, 77*) inveniri in orationibus, quoniam dictionis huiusce gravitas oratori imprimis apta est.

Iam nominandi sunt undecim loci, qui in enuntiato primario verbum *φθάνειν* exhibent. Novies coniunctum est cum participio plerumque aoristi (*Ἑλλ. V, 4, 49; VI, 5, 9; Κυρ. παιδ. III, 1, 19; III, 2, 4; IV, 1, 3; VII, 5, 39; Ἰππαρχ. 7, 10*), semel praesentis (*Ἑλλ. VI, 4, 21*), semel perfecti (*Κυρ. παιδ. II, 4, 25*). Reliquis duobus locis, ne oratio durior fiat, participium deest, quia *φθάσαι* infinitivus ipse a participio alio pendet (*Ἀν. II, 5, 5* et *IV, 1, 4*).

Illis quae ultimo loco attulimus exemplis iam transitus fit ad eorum locorum ordinem, quem pag. 24 tetigi. Quum infinitivus, de quo modo quaesitum est, nulla sententiae primariae ratione habita subiecti arbitrio liber est, is, quem nunc tractaturi sumus, in dicionem

quasi sententiae primariae redactus particeps fit rationis toti periodo insitae. Mera temporis determinatio quodammodo reprimitur subiecti studio ac consilio rem aliquam prius perficiendi, quam alia ad effectum venerit. Itaque schema huius structurae hoc fere modo statuendum est: hoc perfectum esse volo (sive volebam), antequam illud fieret (sive factum esset). In enuntiato igitur primario tempus futurum sive similem notionem antecedere consentaneum est. Ac si enuntiati primarii formas perlustramus, quamquam merum futurum nusquam, imperativus bis (Ἑλλ. IV, 8, 38 et Κυρ. παιδ. VII, 1, 22) invenitur, creberrimae tamen sunt notiones periphrasticae, velut verba optandi: βούλεσθαι (Ἀν. II, 5, 5; Ἑλλ. III, 3, 10 et VI, 5, 21) εὔχεσθαι (Ἀν. VII, 1, 30), πειρᾶσθαι (Ἀν. IV, 1, 4), σπεύδειν (Ἑλλ. III, 1, 17); vel verba iubendi: κελεύειν (Ἑλλ. IV, 5, 15), δεῖν (Κυρ. παιδ. II, 4, 25 et Ἰππαρχ. 4, 7) χρῆναι (Ἀν. I, 4, 14), vel adiectivum verbale, ut πορευτέον (Ἀν. IV, 5, 1), vel verbum δύνασθαι (Ἰππ. 4, 18).

Longum erit omnia infinitivi exempla quorum numerus est 107, singillatim enumerare atque persequi, neque id operae pretium mihi esse videtur, quoniam omnem fere disputandi materiem in locis Thucydidis explicandis occupavimus. Itaque eas infinitivi structuras accuratius investigasse satis habebimus, quae aut singulares aut Xenophontis propriae sunt.

Plerumque infinitivus cum πρὶν particula coniunctus pendet ab enuntiato alii non subordinato. Nullius autem momenti est subordinatio talis, qualis particulis ὅτι (Κυρ. παιδ. II, 4, 25; III, 2, 12; VII, 1, 22), ὡς (Ἑλλ. V, 2, 33), ὥσπερ (Ἀπομν. IV, 2, 25; Οἶκον. 15, 10), ὥστε cum indicativo = itaque (Κυρ. παιδ. II, 2, 10; III, 1, 19), ἐπεὶ = namque (Ἰππαρχ. 4, 18) efficitur, quoniam hae particulae coniunctionis pendentis natura exuta ad modos enuntiati ipsis subiuncti nullam vim habent. Rarius enuntiatum re vera subordinatum antecedit. Bis pendet sententia secundaria ab infinitivo cum particula ὥστε copulato (Κυρ. παιδ. IV, 2, 39 et 3, 16),

bis enuntiatum a coniunctione *ὅπως* pendens praecedit, quam *Κυρ. παιδ.* V, 3, 40 coniunctivus, VI, 3, 7 optativus sequitur. Creberrime *πρίν* cum infinitivo coniunctum in periodo condicionali invenitur. Septem illis, qui apud Xenophontem exstant, locis ad protasin se applicat, in qua bis particula *εἰ* cum indicativo futuri copulata (*Ἑλλ.* VII, 3, 6 et *Κυρ. παιδ.* IV, 3, 14), quinquies *ἐάν* sive *ἤν* cum coniunctivo consociata reperitur (*Ἀν.* V, 6, 33; VII, 3, 35; *Κυρ. παιδ.* III, 2, 4; IV, 5, 31; *Ἀπομν.* III, 11, 13). Infinitivus aoristi adhiberi solet. Duobus locis legitur praesentis infinitivus (*Κυρ. παιδ.* IV, 3, 14: *ἀκριβοῦν* = *σαφῶς εἰδέναι*, vi quadam aoristica instructum et *Ἀπομν.* III, 11, 13 *ἐπιθυμεῖν*, ubi ne exordium quidem appetitus statuendum esse indicare vult auctor, quo gravius oppositio *κεχορησμένοις δέ* illustretur. His agglutinanda sunt exempla duo, quae *εἰ* cum optativo exhibent (*Ἀν.* II, 5, 2 et IV, 1, 21), ubi illa particula vi hypothetica priva notionem experiendi habet.

Maximo opere meditatio nostra excitatur iis locis, quorum enuntiatum primum negationem continet. Imprimis seiungenda sunt exempla ea, quorum sententia primaria quamvis negatione instructa videatur, re vera tamen notionis negativae expers est. Ecquid duo illa enuntiata *Ἑλλ.* VII, 5, 27 et *Ἀπολ. Σωκρ.* § 24, de quibus modo (pag. 25) diximus, vim negandi habent? Immo, ellipsi suppleta sensus affirmativus oritur. Quid, quod quater apud Xenophontem enuntiatum primum interrogationis formam induit? (*Κυρ. παιδ.* IV, 2, 5; V, 4, 35 et 38; *Ἑλλ.* VI, 3, 15). Sed sensus semper est affirmativus. Multo vero maioris momenti sunt exempla quinque vera negatione instructa, quorum duo (*Κυρ. παιδ.* III, 2, 12 et *Ἑλλ.* VI, 5, 23) tempori determinando inserviunt. Quin etiam in *Cyropaediae* loco quum infinitivo in initio periodi collocato, tum oppositione *ἐπεὶ δέ* clarissime demonstratur notionem temporalem imprimis dominari. — Sequuntur tres loci (*Κυρ. παιδ.* IV, 3, 10; VIII, 1, 38; *Ὀλκον.* 4, 24), qui Xenophontis quiddam

proprium habeant. Actiones primariae sunt iterativae; itaque bis imperfecti indicativus invenitur; ultimo loco, *Οἶκον*. 4, 24, structura ita est formata, ut tota sententia subiecta sit verbo *ῥμνυμι* (*ῥμνυμί σοι τὸν Μίδρην μηπώποτε δεῖπνῆσαι πρὶν ἰδρῶσαι*); attamen ratio manet iterativa; oratione enim recta restituta sic vertemus: numquam vero coenari soleo ante labores peractos. Simillimus est locus *Κορ. παιδ.* VIII, 1, 38: *καὶ οὐτ' αὐτός ποτε πρὶν ἰδρῶσαι δεῖπνον ἤρεῖτο οὔτε ἵπποις ἀγυμνάστοις σῖτον ἐνέβαλλε*. Primo oculorum obtutu elucet in membrorum ut ita dicam parallelismo' sibi respondere *ἀγυμνάστοις* et *πρὶν ἰδρῶσαι*. Qua ex re sequitur infinitivum post *πρὶν* positum meram verbi notionem exprimere, qualis in Graecorum adiectivo verbali et in Latinorum gerundivo inest. Eodem modo *Κορ. παιδ.* IV, 3, 10 illud *πρὶν μαθεῖν* prope accedit ad notionem *ἀδίδακτος*. His igitur locis de verbo finito post *πρὶν* particulam ponendo omnino sermo esse non potest, atque utrum negatio antecedit necne, ne minimum quidem valet. Hac Xenophontis dictione perspecta de uno Anabaseos loco IV, 5, 30 (*οὐδαμῶθεν ἀφίεσαν πρὶν παραθεῖναι αὐτοῖς ἄριστον*) certius iudicare possumus. Lectionem enim deteriorum codicum a Kruegero et Cobeto defensam *παραθεῖν* prorsus reiciendam esse manifestum erit. Optativus enim a *πρὶν* coniunctione pendens nisi in oratione obliqua non ponitur. Probabilius esset hoc loco indicativum conicere, id quod nemo propter lectionem codicum audebit. Unice verus est infinitivus *παραθεῖναι*, quia totius periodi ratio est iterativa.

Nunc quaestio nos excipit difficillima, quamnam rationem secutus Xenophon sententiam a *πρὶν* particula pendentem modo praesentis, modo aoristi, modo perfecti infinitivo expresserit. — In octoginta exemplis Homericis nullus exstat locus, qui post particulam *πρὶν* aut praesentis aut perfecti infinitivum contineat. Itaque iure conicietur huius infinitivi usum esse originarium et e natura particulae ipsius consentaneum. Et vere aoristi infinitivus is est, qui unus omnium sincerissime meram verbi notionem

exprimat maximeque a certa temporis significatione abhorreat. Ergo ad naturam particulae hunc infinitivum aptissimum esse existimo. Simulatque autem potestas *πρὶν* particulae propria in lingua evanuit atque in conjunctionis vim abiit, aliorum temporum infinitivi irrepebant atque gliscebant. Apud Thucydidem praesentis infinitivi usus admodum parcus est, perfecti infinitivo is plane abstinuit. Uberior iam apud Xenophontem praesentis infinitivorum seges effloruit. Quamquam cavendum est, ne infinitivi *ἔχειν* ('Ελλ. I, 4, 10) et *εἶναι* ('Αν. IV, 6, 24; V, 6, 33; VI, 5, 1; *Κυρ. παιδ.* VI, 3, 7; VIII, 8, 25; 'Ελλ. V, 4, 37; 'Ιππαρχ. 4, 7 cf. Thucydidea IV, 2, 1 et 125, 3) praesentis infinitivis addamus. Attamen ter et vicies occurrit merus praesentis infinitivus; cuius qualis sit ratio accuratius investigemus. Recte iam God. Hermannus ¹⁾ dixit, aoristo perfectionem rei indicari, praesente initium. Sic *πρὶν ἐμπρησθῆναι* priusquam exarserit, *πρὶν ἐμπύμπρασθαι* priusquam incendatur. Quare imprimis apud Xenophontem adhibitus est praesentis infinitivus, si actio verbi non uno quasi temporis momento absolvenda, nedum absoluta, sed potius durans vel oriens repraesentatur. Affero 'Αν. I, 8, 19: *πρὶν δὲ τόξευμα ἐξικνεῖσθαι ἐκκλίνουσιν οἱ βάρβαροι* (antequam tela ad se pervenire possint, inclinant). Similia *Κυρ. παιδ.* II, 4, 25; III, 3, 60; VII, 1, 4; 'Ελλ. V, 4, 47; cf. Thucydidea I, 39, 2; 68, 3; II, 67, 3; III, 24, 2; V, 84, 3. Eodem modo explicandus est infinitivus praesentis in sententiis iterativis, velut *Κυρ. παιδ.* I, 6, 39; V, 1, 12; V, 2, 9; 'Απομν. I, 2, 22; 'Ιερ. 4, 2. Cf. locos Thucydideos I, 39, 1; IV, 14, 1; V, 60, 6. Nonnumquam haud multum abest, quin infinitivus in notionem negativam transierit, ut nostrum ohne zu cum infinitivo coniunctum fere aequiparet. Memorabilis est locus *Κυρ. παιδ.* VIII, 4, 11: *οὐ κλῆσιν ἀνέμενεν, ἀλλὰ πρὶν καλεῖσθαι παρῆν*, ubi *πρὶν καλεῖσθαι* verbis antecedentibus *οὐ κλῆσιν ἀνέμενεν* explicatur.

¹⁾ Ad Eurip. Med. 78 (edit. Elmsl.).

Cf. Ἀπομν. II, 1, 30: *πρὶν πεινῆν ἐσθίουσα καὶ πρὶν διψῆν πίνουσα*. — Mirus est infinitivus praesentis ad tempus enuntiati primarii futurum pertinens, qui apud Thucydidem fere non usu venit. Exempli gratia nomino Ἑλλ. IV, 5, 15: *ἀναχωρεῖν αὐτοὺς ἐκέλευε πρὶν τοὺς ὀπλίτας ὁμοῦ γίνεσθαι*. Haud difficile est intellectu Xenophontem praesentis infinitivo futuri primi actionem significare voluisse, quum infinitivus aoristi semper habeat vim futuri exacti. Haec verba si ad orationem rectam conformaverimus, consilium scriptoris clarius elucebit: recedite, antequam hoplitae manus conserant. Contra *πρὶν ὁμοῦ γενέσθαι* interpretandum esset: antequam conseruerint. Cf. etiam *Κυρ. παιδ.* III, 1, 22 et *Οἶκον*. 15, 10.

Reliquum est, ut de perfecti infinitivis, qui apud Xenophontem duobus Anabaseos locis inveniuntur, pauca dicam. Loci sunt digni, quos plenius exscribamus. IV, 5, 22: *πρὶν εἴκοσι στάδια διεληλυθέναι ἦσαν πρὸς τῇ κώμῃ* et VI, 5, 5: *πρὶν δὲ πεντεκαίδεκα στάδια διεληλύνεσθαι ἐνέτυχον ἤδη νεκροῖς*. Eandem exhibent formulam, quae etiam apud Herodotum III, 25, 2 occurrit. Ratio sententiarum in ea re posita est, ut antequam actio secundaria plane absoluta fuerit, iam actio primaria intercesserit. Itaque aut plusquamperfectum in enuntiato primario invenitur, aut aoristus hac notione praeditus. Quamquam poetae Atticorum scenici a severitate usus vulgaris interdum abhorruerunt, ita ut Euripides ter ¹⁾, Aristophanes octies iam infinitivo perfecti indulserint, tamen a scriptoribus Atticorum pedestribus haec norma tenetur. Quemadmodum igitur his quos modo commemoravi locis infinitivus perfecti unice verus est, ita perverse eum Ἀν. IV, 1, 21 adhibitum esse persuasum habeo (*καὶ διὰ τοῦτό σε οὐχ ὑπέμενον, εἴ πως δυναίμην φθάσαι, πρὶν κατελῆφθαι τὴν ὑπερβολήν*). Sic praebent codices deteriores, quos editores sequuntur, quia in melioribus ABC ²⁾ verba *πρὶν κατελῆφθαι* plane

¹⁾ Cf. Elmsleium ad Eur. Med. v. 79.

²⁾ Utor significatione L. Dindorfii et Schenkelii.

desunt. Quid, quod hoc loco infinitivus perfecti ad actionem, quae tempore futuro continetur, pertinet? Atqui in omnibus huiusmodi locis legitur infinitivus aoristi. Exempli gratia locum nostri simillimum afferam *Ελλ. VI, 5, 9: φθάνουσι πρὶν καταληφθῆναι — καταφυγόντες*. Quibus rebus confisus infinitivum aoristi *καταληφθῆναι* hic reponendum esse puto. Quod in ABC verba *πρὶν καταληφθῆναι* exciderunt, propter clausulam verborum *φθάσαι* et *καταληφθῆναι*, praesertim si maiusculis quae dicuntur litteris scripta sunt, simillimam factum esse existimo.

Postremo autem loco non neglegendum est, ut apud Thucydidem numquam, sic apud Xenophontem perraro *πρότερον* in enuntiato primario poni. Tribus tantum Cyropaediae locis II, 2, 10; IV, 3, 14; V, 2, 9 occurrit, quibus unus *Οἶκον*. 8, 23 accedit. Bono hoc consilio a Xenophonte factum est. Namque in quattuor his exemplis infinitivus ad sensum pacne negativum, quem nostro ohne zu significamus, inclinatur, ita ut antecedens illud *πρότερον* ad notionem temporalem quasi quiescentem clarius exprimendam destinatum esse videatur.

Caput II.

De usu modi finiti a *πρὶν* coniunctione pendentis Thucydideo et Xenophonte.

§ 5. De origine modi finiti cum *πρὶν* coniunctione copulati.

Perventum est ad alteram huius dissertationis partem, quae est de particula *πρὶν* cum modo finito consociata. Cuius structurae ratio quum ab ea, quam modo tractavimus, magnopere discrepet, non ineptum erit perscrutari,

quomodo factum sit, ut eadem particula quae infinitivum regit modo quoque finito potiretur. Ineunte dissertatione docuimus adverbium *πρὶν* duas ingressum esse vias, quarum altera ad infinitivum altera ad modum finitum duxerit. Hanc naturae originariae commutationem pedetentim factam esse probabile est. Ac nemo fere eorum, quibus de hac particula dicendi occasio data est, aut breviorē aut accuratiorē de hac re expositionem detrectavit. Et profecto viae qua ex particula *πρὶν* coniunctio evasit perscrutatio non solum ad vim potestatemque particulae ipsius intellegendam, sed etiam ad universam syntaxis rationem perspiciendam summopere valet. Itaque nos quoque huic quaestioni pertractandae operam navabimus. Multo autem facilius haec quam prior disputatio nobis procedet. Altera enim *πρὶν* particulae cum infinitivo structura iam in Homeri carminibus perfecta et varie exulta exstat; verbi autem finiti usus quasi nobis videntibus nascitur. Cuius ut exponam originem ab adverbio exordiendum esse mihi videtur.

Priore loco eorum exemplorum rationem contemplerur, quorum sententia ad tempus praeteritum pertinet. Primordia potestatis ex ea re mihi repetenda videntur, quod in carminibus Homericis adverbium *πρὶν* ineunte enuntiato positum saepenumero ad sententiam antecedentem respicit. Exempli gratia nomino Φ 177—79:

τὸ δὲ τέτρατον ἤθελε θυμῷ
 ἄξαι ἐπιγνάμψας δόρυ μείλιον Αἰακίδαο
 ἀλλὰ πρὶν Ἀχιλεὺς σχέδον ἄορι θυμὸν ἀπήυρα.

Schema existit hoc: antequam actio primaria ad finem pervenit, secundaria interrupta est. Cf. θ 498. Sententia primaria aut condicionem durantem exprimit, quae nondum absoluta erat, quum secundaria inter-cideret, (velut his quos modo attuli locis), aut actionem non perfectam, quae secundaria superveniente impeditur, quominus perficiatur. In priore exemplorum genere

sententia primaria affirmativa est, in posteriore negativa. Cf. *A* 236 et *N* 161. Sed loci Homerici consistunt omnes in ratione paratactica; neque Hesiodus ad hypotaxin progredi ausus est. Primum huiusmodi exemplum, quod *πρὶν* coniunctionem cum indicativo praeteriti copulatam ostendit, invenitur in Hymno in Ap. Pyth. v 179¹⁾. Atticorum vetustiorum scripta si perlustramus, apud Aeschylum semel (*Prom.* 482), semel apud Sophoclem (*Oed. Tyr.* 776), septies apud Euripidem²⁾ *πρὶν* cum indicativo usurpatum videmus sententia primaria semper affirmativa. Qui loci omnes nostrae rationi facillime accommodantur. Actio primaria semper est durans. Quae antequam plane ad finem pervenit, secundaria iam intrat. Enuntiatus a *πρὶν* coniunctione suspensus fere solum per se constat, ita ut haud procul absit a parataxi. In comparisonem vocemus Latinorum coniunctionem *quum*, quae actione antecedente iterata sive durante eodem modo quasi *παρатаκτικῶς* cum indicativo copulatur.

Eadem est ratio, si duae sententiae particula *πρὶν* conexae tempore futuro continentur. Affero *A* 29:

τὴν δ' ἐγὼ οὐ λύσω· πρὶν μὲν καὶ γῆρας ἔπεισιν³⁾.

Πρὶν sententiam antecedentem respicit; illam non solvam; prius (sc. quam exsolvam) senectus eam subierit. Etiamsi utrumque enuntiatus suo iure utitur, tamen ea est parataxis, quae ab hypotaxi haud procul absit. Quanto magis enim certa apodoseos affirmatio minuitur, tanto infirmior fit negatio sententiae primariae. Quod ut demonstretur, cum illo quem modo attulimus alium *Iliadis* locum in comparisonem vocemus *Ω* 551:

οὐδέ μιν ἀνστήσεις· πρὶν καὶ κακὸν ἄλλο πάθῃσθα.

Sententia sic explanatur: neque vero eum excitabis,

1) Cf. Foerster. in priore Miscellan. lib. pag. 13.

2) Cf. Prause, l. l. pag. 27—28.

3) Similia exempla apud Richt. l. l. pag. 15—16.

prius (sc. quam excitare tibi contigerit) aliud malum vereor ne tibi accidat. Post sententiam tempore praeterito expressam *πρίν* sero in merae coniunctionis naturam transiisse vidimus: antecedente tempore futuro haec ut ita dicam metamorphosis iam in Homeri carminibus perfecta est, ita ut sexies occurrant coniunctivi cum *πρίν* coniunctione copulati. Neque neglegendum est e tribus Iliadis locis duos in libro duodevicesimo (Σ 134 et 189), qui *ὀπλοποιεῖαν* continet, unum in ultimo qui *κλαυθμοί* inscribitur libro inveniri, quos libros non inter vetustiores carminis partes numerandos, sed aetate ad Odysseam, quae tria alia exhibet exempla (x 174, ν 335, ρ 7), proxime accedere inter omnes fere constat. Exemplum merae rationis hypotacticae exstat Σ 134:

ἀλλὰ σὺ μὲν μήπω καταδύσαιο μῶλον Ἄργιος,

πρίν γ' ἐμὲ δεῦρ' ἔλθοῦσαν ἐν ὀφθαλμοῖσιν ἴδῃαι,

(sed tu quidem noli in proelium irruere, prius enim me abs te conspici volo, id est: priusquam me conspexeris). Sensim sensimque ex parataxi fit agglutinatio, ex agglutinatione subordinatio. Quemadmodum tempore praeterito antecedente indicativum plerumque aoristi poni consentaneum est, quoniam de re vere facta agitur, sic tempore futuro praecedente non mirum videbitur, quod coniunctivus *πρίν* coniunctionem sequitur, quoniam notioni futuri exacti optime respondet. Quam in infinitivis disponendis statuimus distinctionem, eandem in modis finitis tractandis sequemur; eam, qua enuntiatum dominatu sententiae primariae liberatum quasi per se constat, rationem indicativo, eam, qua subiecti iudicio subordinatum est, coniunctivo vindicamus. Ac si quis quaerat, qua in re praecipua inter *πρίν* particulam cum infinitivo et cum modo finito coniunctam discrepantia posita sit, ratione logica subducta facile patebit. In prooemio satis mihi demonstrasse videor, si infinitivus particulam *πρίν* sequatur in medio relinqui, utrum actio secundaria fiat necne, sed id tantum tenendum esse, sententiam primariam ante (sive non ante) secundariam perfectam,

sive perficiendam ad effectum venisse sive venturam esse. Sententia igitur primaria comparatur cum secundaria. (*Τοῦτο ἦν πρὶν ἄλλο τι γενέσθαι.*) Comparatio est ut ita dicam progressiva. Longe alia ratio existat necesse est verbo finito adhibito. Actio aut re vera facta vel facienda aut certe expectata exprimitur. (*Τοῦτο ἦν sive οὐκ ἦν, πρὶν ἄλλο τι ἐγένετο.*) Sententia secundaria comparatur cum primaria; comparatio est regressiva. — His rebus perpensis facile perspicitur adminiculo correlationis, quo et Richter et Prause et Lueth ad conjunctionis *πρὶν* originem explicandam utuntur, non opus esse. Quidnam causae fuisse arbitremur, cur extemplo ex infinitivo a *πρὶν* particula pendentem emergerit modus aliquis finitus? Maximeque illorum virorum argumentationi ea res obstat, quod in primordiis modi finiti apud Homerum Hesiodumque geminatio particulae *πρὶν*, quam optimum correlationis testem putant, rarius usu venit.

Apud scriptores posteros *πρὶν* magis magisque in certos conjunctionis fines sese contraxit. Quamvis scriptores Ionici et Atticorum tragici nonnumquam *πρὶν* vocabulum meri adverbii loco aequae ac *πρότερον* adhibuerint, tamen nullo loco exemplum illis Homericis simile exstat, ita ut *πρὶν* merum adverbium in initio enuntiati positum ad sententiam antecedentem respiciat. Apud scriptores Atticorum pedestres adverbium *πρὶν* fere prorsus evanuit. Thucydides quidem, praeae elocutionis conservator, interdum *πρὶν* adverbialiter adhibet, cf. I, 90, 1; III, 13, 6; III, 51, 2; IV, 21, 1; VI, 10, 4; 13, 1 alia. Fortasse non casu quodam factum est, sed consilio scriptoris, ut in Niciae oratione (VI, 9—14) duo huius adverbii *πρὶν* exempla inveniantur. Etiam in epigrammate Hermae cuidam inscripto, quod idem in Anthol. Palat. VI, 138 servatum est, adverbium *πρὶν* exstat.¹⁾ Distichon, quod Kirchhoffius scripturae rationem

¹⁾ Invenitur in Corp. inscr. Att. I, 381 (pag. 184).

respiciens infra Ol. 80 et 83 exaratum esse docet,¹⁾ lacuna expleta hoc modo legitur:

πρὶν μὲν Καλλιτέλης ἰδρύσατο· τόνδε δ' ἐκείνου
ἔγγονοι ἐστήσανθ', οἷς χάριν ἀντιδίδου.

Sed et oratores²⁾ et Xenophon adverbium *πρὶν* plane vitaverunt. Itaque unum Cyropaediae locum (V, 2, 36), quo lectio codicum notionem adverbialem postulat, mendosum esse suspicio nobis existit. Verba sic leguntur: ἡμεῖς δὲ καὶ μείζονες νῦν ἢ πρὶν, ἐπεὶ νενικήκαμεν, καὶ ἰσχυρότεροι, ἐπεὶ ἡδὺχήκαμεν. Mea quidem sententia illud ἢ πρὶν additamentum futile est, praesertim si ad enuntiatum antecedens spectamus, ubi eadem formula atque cum infinitivo ut solet³⁾ coniuncta occurrit (οἱ μὲν γὰρ πολέμοι πολὺ μὲν ἐλάττονές εἰσι νῦν ἢ πρὶν ἡττηθῆναι ὅφ' ἡμῶν, πολὺ δ' ἐλάττονες ἢ ὅτε ἀπέδρασαν ἡμᾶς). Huc accedit quod causa corruptelae satis manifesta adest. Etenim scribam facile credendum est priore illo ἢ πρὶν plectum aberrasse, ita ut etiam inferiore loco eadem verba perperam irreperent. Itaque voculas ἢ πρὶν ante ἐπεὶ νενικήκαμεν delendum esse statuo.

§ 6. De usu modi finiti cum *πρὶν* particula coniuncti Thucydideo.

Priore loco dicendum est de indicativo coniunctionem *πρὶν* sequenti, quem Thucydides duodecies adhibuit, sexies post sententiam affirmativam, sexies post negativam. Hi numeri ab opinione vulgari discrepare videntur, quum Lueth⁴⁾ septem locos enumeret, qui indicativum post enuntiatum positivum exhibent. Fortassé in eundem incidit errorem, in quem omnes fere editores praeter Stahlium, quum uno loco VIII, 105, 2 (non VII, 105, 2 ut Lueth annotat⁵⁾) enuntiatum primarium positivum esse statuerent.

¹⁾ L. 1.

²⁾ Lueth, l. 1. pag. 8.

³⁾ Cf. pag. 25.

⁴⁾ Lueth, l. 1. pag. 38.

⁵⁾ Lueth, l. 1. pag. 38.

Verbum enim regens est ἀμῶναι οὐκ ἐδύναντο; illud εἶργον, quod paullo ante legitur, parenthesi additum est, quam Stahlius uncis indicavit.

Ac primum quidem sex illa exempla tractabimus, quae ad sententiam affirmativam pertinent. Quum similia eiusdem dictionis exempla nisi apud poetas tragicos fere non inveniantur, hic usus Atticismi vetustioris proprius fuisse videtur. Iam rectissime Lueth Prausium vituperavit, quod hunc usum imprimis memorabilem tam leviter attigit. Itaque ipse quidem, quamquam apud oratores Atticos uno Aeschinis in oratione Timarchea loco excepto πρίν cum indicativo antecedente sententia affirmativa non exstat, accuratius de hac re dixit.¹⁾ Atque ille quidem ne suae ipsius de πρίν coniunctione sententiae in prooemio expositae adversaretur, hanc dictionem quasi extra regulam ponere coactus erat. Namque initio dissertationis, sententia antecedente negativa πρίν correlationis via coniunctionis naturam induisse dixerat;²⁾ qua ex re sequitur eum modos finitos nisi sententia antecedente negativa concedere non posse.³⁾ Valde eum his quamvis paucis, tamen non minus gravibus locis, qui indicativum post sententiam affirmativam praebent, cruciatum esse facile intellegitur. Nostra autem ratio tantum abest, ut huiusmodi structuris turbetur, ut confirmetur. Utrum negatio antecedit necne, quam parvi intersit, modo demonstrare studuimus.⁴⁾ Quod quatenus ad locos Thucydideos valeat, duobus locis inter se comparatis statuamus. Legitur I, 51, 2: ἐθάυμαζον τοὺς Κορινθίους πρύμναν χροουμένους, πρίν τινες ἰδόντες εἶπον ὅτι νῆες ἔχειναι ἐπιπλέουσι. Actione secundaria intrante actio primaria extemplo finita est. Eodem modo III, 101, 2 se habet: καὶ Ὑαῖοι οὐκ ἔδοσαν ὁμήρους, πρίν αὐτῶν εἶλον κόμην. Hyaei enim obsides recusare

¹⁾ Idem, l. l. pag. 37—39.

²⁾ Lueth, l. l. pag. 7.

³⁾ Lueth, l. l. pag. 35.

⁴⁾ Cf. pag. 33 et 34.

destiterunt, postquam vicus captus est. Haec igitur in re duo exempla inter se congruunt, quod sententia secundaria perfecta primaria in contrarium mutatur. Navibus enim conspectis non iam mirati sunt, et vico capto obsides dederunt. — Sed sex illa exempla, quae antecedente sententia affirmativa indicativum praebent, accuratius inspiciamus. Quater sequitur aoristus I, 51, 2; III, 29, 1; III, 104, 7, VII, 71, 4, semel praesens historicum VII, 39, 2, semel imperfectum I, 118, 2. Sententia primaria plerumque exprimitur imperfecto; III, 29, 1 exstat praesens, III, 104, 7 aoristus. Etenim e natura totius periodi sequitur, ut enuntiatum primarium non rem semel factam, sed statum sive actionem durantem complectatur. Quanto minus sententia primaria ad rem quam celerrime perfectam spectat, eo magis impetus ac vis sententiae alterius repentina augetur. Exempli gratia explicemus quem supra exscripsimus locum I, 51, 2. Corcyraei vehementer mirabantur, quod Corinthios terga dantes viderunt, quoniam causam fugae non perspiciebant. Subito Atheniensium naves auxilio advectae in conspectum veniunt, ac clamor existit: ecce naves appropinquantes! Factum igitur repentinum actionem primariam quasi perrumpit atque opprimit. Namque Corcyraeos a mirando destituisse, simulatque navibus conspectis iusta defuit causa, consentaneum est. Et profecto praesens, quod VII, 39, 2 invenitur, nullam aliam habet causam, quam ut oratio vividiores accipiat colorem. (*Τὸν αὐτὸν τρόπον αὐθις ἐπὶ πολὺ δῆγον τῆς ἡμέρας πειρώμενοι ἀλλήλων, πρὶν δὲ Ἀρίστων — πείθει.*) Sed quid faciamus de uno loco I, 118, 2, cuius apodosis continetur imperfecto? (*ἡσύχαζον τὸ πλεον τοῦ χρόνου —, πρὶν δὲ ἡ δύναμις τῶν Ἀθηναίων σαφῶς ἤρρετο.*) Quidnam repentini in sententia secundaria inest? Sed recte nos iudicasse patet e sensu; in adverbio enim *σαφῶς* latet notio verbi sentiendi, ita ut hoc modo interpretemur: Lacedaemonii otiosi erant, quum Atheniensium opes crescere apparuit. Simili modo alia asperitas exaequatur. Aoristus unus,

qui III, 104, 7 in enuntiato primario invenitur, regulae nostrae reluctari videtur. Verba sunt haec: τὰ δὲ περὶ τοὺς ἀγῶνας καὶ τὰ πλεῖστα κατελύθη ὑπὸ ξυμφορῶν, ὥς εἰκός, πρὶν δὲ οἱ Ἀθηναῖοι τότε τὸν ἀγῶνα ἐποίησαν. Thucydides pro brevitate dicendi narrationem facti et descriptionem status qui factum sequitur uno verbo κατελύθη conglutinat. Non modo dicere vult certamina sublata, sed potius ludos non iam celebratos esse. Absurdum sane est scholiastae cuiusdam glossema, qui annotat πρὶν ποῆσαι. Attamen occasionem nobis offert duas structuras inter se comparandi. Namque infinitivus hoc loco adhibitus totius periodi rationem perverteret. Sensus fere hic evaderet: certamina pleraque sublata sunt, antequam Athenienses ludos instituerent. Tota periodus hac in re verteretur, quo tempore certamina sublata essent. Sin autem indicativus exstat, periodi caput in sententia posteriore cernitur. Magna ludorum intermissione facta Athenienses eos restituerunt.

Neque solum conexu sententiarum adducti, sed etiam particulis externis quasi indiciis usi hanc interpretandi viam iniimus. Nisi forte arbitramur casu quodam accidisse, ut semper fere (quinquies inter sex illos locos) particula δὲ coniunctioni πρὶν addita sit. Quae particula quum vim habeat intensivam, sententiam antecedentem prorsus absolutam atque aliam statim subsequi significat. Itaque praecipuum locum in apodosi periodorum temporalium obtinet.¹⁾ Haec ratio etiam in eo de quo nunc agimus usu cernitur. Etenim enuntiatum a voculis πρὶν δὲ incipiens potestate utitur apodoseos. Itaque illud δὲ quum alibi, tum iis locis aptum videtur, in quibus scriptor studio narrandi abreptus praesens historicum ponit; tanquam si notionem praeteriti, quae praesentis formae deest, particula δὲ apposita supplere velit. Cf. VII, 39, 2. Hoc modo factum est, ut etiam in eas structuras, quae post sententiam negativam indicativum exhibent, vocula

¹⁾ Cf. K. W. Kruegeri Griech. Sprachl. § 65, 9.

δὴ irreperet. Unicus enim locus qui sententia antecedente negativa apud Thucydidem illud δὴ habet, continetur praesente historico I, 132, 5: ἀλλ' οὐδ' ὥς οὐδὲ τῶν Εἰλωτῶν μηνυταῖς τισι πιστεύσαντες ἠξιώσαν νεώτερόν τι ποιεῖν ἐς αὐτόν —, πρὶν γε δὴ αὐτοῖς — μηνυτῆς γίγνεται. Qua ratione subducta coniecturam Haasii et Kruegeri, quam Stahlius vel in textum recepit, reicere non dubito. Haasius enim primus ¹⁾ V, 61, 1 pro πρὶν ἤ, quod codices habent ad unum omnes, πρὶν δὴ scribere proposuit. Ille autem non animadvertit ceteris quattuor locis, qui πρὶν cum indicativo coniunctum post sententiam negativam praebeant, πρὶν solum inveniri. Analogia unius loci I, 132, 5 perperam affertur, quoniam δὴ praesenti historico additum est. Magis igitur veri simile puto esse, ceteris qui aoristi indicativum exhibent locis collatis, Thucydidem etiam hoc loco, qui item aoristum continet, πρὶν simplex scripsisse, ita ut verba hoc modo legenda sint: καὶ πρὸς τὸν δῆμον οὐ προσῆγον βουλομένους χρηματίσαι, πρὶν Μαντινῆς καὶ Ἡλεῖοι κατηνάρχασαν δεόμενοι. Ac si quis illud ἤ prorsus delere temeritatis esse ducat, alio loco VIII, 105, 2, ubi Vaticanus codex πρὶν ἤ habet, critici fere omnes πρὶν simplex restituerunt.

Iam alterum indicium eruamus, quo totius periodi summam in enuntiato a πρὶν coniunctione pendenti cerni demonstretur. Sententiae ita continuantur, velut si enuntiatum πρὶν coniunctione inductum sententiam in tota periodo dominantem contineat. Tribus enim locis I, 51, 2; I, 118, 2; VII, 71, 4 sequens verborum circuitus orditur a verbis τότε δέ, quae non ad tempus actionis primariae, sed ad apodosin referenda sunt. Fusius exscribam VII, 71, 4: παραπλήσια δὲ καὶ οἱ ἐπὶ τῶν νεῶν αὐτοῖς ἔπασχον, πρὶν γε δὴ οἱ Συρακούσιοι καὶ οἱ ξύμμαχοι ἐπὶ πολὺ ἀντισχοῦσης τῆς ναυμαχίας ἔτρεψάν τε τοὺς Ἀθηναίους καὶ — κατεδίωκον ἐς τὴν γῆν· τότε δέ — hoc est: tum autem (sc. quum a Syracusanis fugati essent). Continuatio

¹⁾ Lucubr. Thueyd. pag. 88.

verborum procedit aequae, ac si sententia a *πρὶν* coniunctione pendens sit enuntiatum per se constans. Eo autem Thucydides progressus est, ut illud τότε enuntiato a *πρὶν* coniunctione pendenti ipsi insereret, III, 104, 7: καὶ τὰ πλεῖστα κατελύθη, πρὶν δὴ οἱ Ἀθηναῖοι τότε τὸν ἀγῶνα ἐποίησαν. Duobus reliquis locis, qui πρὶν δὴ exhibent, quamquam voculae τότε δέ non leguntur, tamen ratio sententiarum eadem est. Quodsi III, 29, 1, postquam antecesserunt verba: τοὺς μὲν ἐκ τῆς πόλεως Ἀθηναίους λανθάνουσι, πρὶν δὴ τῇ Δήλῳ ἔσχον, hoc modo Thucydides pergit: προσμύξαντες δέ, facile adducimur ut enuntiatum simplex ἔσχον δὴ τῇ Δήλῳ antecessisse opinemur.

Iam vero ad eos locos contemplandos transeamus, qui sententia antecedente negativa indicativum praebent. Sententia a *πρὶν* coniunctione pendens semper rem vere factam continet, quae non consilio scriptoris cum sententia primaria conectitur, sed potius per se cum re in enuntiato primario narrata cohaeret. Relatio quaedam interior, ut ita dicam, intercedit inter utrumque enuntiatum. Hac in re discrepantiam gravissimam positam puto, quae inter *πρὶν* particulam cum infinitivo et cum indicativo coniunctam statuenda est. Infinitivus enim non novam, quae evenit, actionem sententiae primariae accedentem inducit, sed omnis per se potestatis expers enuntiatum primarium determinat ac definit. Sin vero in periodo *πρὶν* cum indicativo coniunctum legitur, semper duo facta inter se comparantur, quorum alterum alteri ex natura rerum successit. Exempli gratia afferam V, 10, 3: οὐ βουλόμενος μάχῃ διαγωνίσασθαι πρὶν οἱ τοὺς βοηθοὺς ἔχειν. Hoc loco id solum tenendum est, Cleonem ante adventum sociorum proelium omnino non facere in animo habuisse. Auxilia autem utrum re vera advenerint necne ex his verbis non sequitur. Itaque in ambiguo relinquitur, utrum proelium committatur necne. At ratio longe alia esset, si legeretur: μάχῃ οὐ διαγωνίσαστο, πρὶν οἱ βοηθοὶ ἔχον. Indicativus praeteriti ea solum conditione locum tenet, si socii re vera iam advenerunt.

Quod ubi primum factum est, actio etiam primaria ex statu negativo in positivum transgressa ad effectum venit. Itaque duo facta subsequencia et inter se cohaerentia (adventus sociorum et proelium commissum) significantur. Quin etiam in lingua latina quum aliis locis semper coniunctivus adhiberi soleat, si sententiam antecedentem negativam sequitur res vere facta, post coniunctionem *priusquam* indicativus obvius est. Hic igitur locus vertendus esset: proelio non decertavit, priusquam socii advenerunt.

Neque vero mirum erit in utroque enuntiato fere semper simplicem aoristum inveniri. Semel tantum I, 132, 5 in enuntiato secundario in viva oratione praesens legitur historicum; actio primaria quater mero aoristo (I, 132, 5; II, 65, 3; III, 101, 2; V, 10, 9) semel (V, 61, 1) imperfecto eoque vi aoristica praedito, semel (VIII, 105, 2) infinitivo aoristi a verbo *δύναμαι* pendenti expressa est.

Iam supra animadvertimus indicativum post *πρὶν* nisi de rebus perfectis usurpari non posse. Sed rem vere ad effectum venisse, nullo loco Thucydideo diserte indicatur; nam structura coniunctionis *πρὶν* cum indicativo copulatae paullulum a sententia per se expressa differt, ut dominatu enuntianti primarii liberata ipsa sententiam novam et paene per se constantem inducere videatur. Omnia huiusmodi exempla argumento sunt. Affero II, 65, 3: *οὐ μέντοι πρότερόν γε οἱ ξύμπαντες ἐπαύσαντο ἐν ὀργῇ ἔχοντες αὐτόν, πρὶν ἐξημίωσαν χρήμασιν*; id est: neque vero prius omnes Periclem in odio habere desierunt, quam pecunia multaverunt. Nunc vero expectamus sententiam talem: ubi primum autem pecunia multaverunt, omnes in odio eum habere desierunt. Hunc sensum in animo habuisse Thucydidem ex sequenti *ὑστερον* δέ colligi potest, quod ad sententiam illam per ellipsin omissam referendum est; (paulo autem post, sc. quam eum pecunia multaverunt). Eodem modo I, 132, 5 illud *τότε δὴ* (scil. *ἐπεὶ μηνυτῆς ἐγένετο*), quod ineunte capite

postero legitur, ad ellipsin post *πρὶν* coniunctionem statuendam revocabimus. Quid vero, quod III, 101, 2, quum antecedit *καὶ Ὑαῖοι οὐκ ἔδοσαν ὁμήρους, πρὶν αὐτῶν εἶλον κόμην*, vicum captum obsidesque datos esse diserte non narratur, sed hac ellipsi ne ulla quidem voce significata Thucydides pergit his verbis *ἐπειδὴ δὲ κατεσκεύαστο πάντα καὶ τοὺς ὁμήρους κατέθεντο ἐς Κυτίνιον*, aequae ac si scriptum esset antea: *ἐπεὶ αὐτῶν εἶλον κόμην, Ὑαῖοι ἔδοσαν ὁμήρους*. Etiam ad locum V, 61, 1 hanc rationem valere ea re clucet, quod factum subsequitur: *καὶ ἔλεγον οἱ Ἀθηναῖοι*. Negationem igitur videmus aliquid rhetorici habere, quoniam sententiam non omnino negat, sed usque ad id tantum temporis momentum, quo actio secundaria ad effectum venit. Quae simulatque perfecta est, actio primaria ex statu negativo in affirmativum transit.

Age vero ad singula quaedam tractanda accedamus. Quemadmodum Thucydides ante infinitivum numquam *πρότερον* — *πρὶν*, sed aut *πρὶν* solum aut *πρότερον* — ἢ ponere solet, ut pag. 20 observavimus, sic ne negativo quidem enuntiato antecedente, qua est brevitate, *πρότερον* in deliciis habet. Nam duobus tantum locis II, 65, 3 et V, 10, 9 *οὐ πρότερον* — *πρὶν* adhibuit, quorum alter (II, 65, 3) formulam saepissime usurpatam *οὐ πρότερον ἐπαύσατο* — *πρὶν* exhibet, cui numquam fere *πρότερον* deest. Contra duo nominanda sunt exempla, in quibus *οὐ πρότερον* — ἢ cum indicativo consociatum invenitur. Neque licentiae id tribuendum, sed bono Thucydidis consilio factum esse censeo. Discrimen enim quamvis subtile inter rationes locorum, qui *οὐ πρότερον* — *πρὶν* et qui *οὐ πρότερον* — ἢ praebent, interesse mihi videtur. Structura vocabulis *οὐ πρότερον* — *πρὶν* formata etsi proprie negativa est, tamen magis ad sensum positivum inclinatur et novum agendi momentum inducit, id quod ellipsi statuta modo demonstravimus. Quam ob rem in continua rerum gestarum narratione optime locum tenet. Altera autem formula *οὐ πρότερον* — ἢ hoc vivo colore

caret neque tam celeriter narrantis, quam tranquille contemplantis est. Haec igitur dictio locis deliberativis potius convenit. Bono nobis contingit casu, ut duos apud Thucydidem locos habeamus, qui ut vocabulis et forma similes, ita huius structurae diversitate segregandi sunt. Legitur V, 10, 9: οὐ πρότερον ἐνέδοσαν, πρὶν ἢ τε Μυρκινία καὶ ἡ Χαλκιδικὴ ἔππος καὶ οἱ πελτασταὶ περιστάντες καὶ ἐσακοντίζοντες αὐτοὺς ἔτρεψαν; quocum comparetur II, 65, 12: οὐ πρότερον ἐνέδοσαν, ἢ αὐτοὶ ἐν σφίσι καὶ ταῖς ἰδίαις διαφοραῖς περιπεσόντες ἐσφάλησαν. Priore loco actio fugandi extemplo ad effectum venit et narratio se vertit ad fugam describendam: οὕτω δὲ τὸ στράτευμα πᾶν ἤδη τῶν Ἀθηναίων φυγὸν κτλ. Altero loco nullam habemus rerum gestarum narrationem, sed quae Thucydides ipse de Periclis in rem publicam meritis et de populi Atheniensis indole ac robore iudicat, eloquitur. Concludit denique hanc ratiocinationem his verbis: οὐ πρότερον ἐνέδοσαν, ἢ κτλ. Eodem modo etiam VIII, 24, 5, quum qualis Chiorum fuerit ante defectionem condicio describatur, ratio contemplativa praevallet (καὶ οὐδ' αὐτὴν τὴν ἀπόστασιν πρότερον ἐτόλμησαν ποιήσασθαι ἢ μετὰ πολλῶν τε ἀγαθῶν συμμαχῶν ἔμελλον ξυγκινδυνεύσειν).

Iam nunc pervenimus ad id exemplorum genus, quod ad tempus futurum pertinet. In enuntiato secundario exstat coniunctivus sive optativus, qui apud Thucydidem ter decies, quo in numero duo sunt optativi, adhibentur. Sententiam primariam semper negatione praeditam esse iam dudum viri docti observarunt.¹⁾ Cui regulae ne Thucydides quidem adversatur. Perverse enim a Prokschio²⁾ loco VI, 38, 2 sententiam antecedere affirmativam contenditur. Locus dignus est, quem fusius exscribamus: καὶ δέδοικα μέντοι, μή ποτε πολλὰ πειρῶντες καὶ κατορθώσωσιν ἡμεῖς δὲ κακοί, πρὶν ἐν τῷ παθεῖν ὤμεν,

¹⁾ Cf. Elmsl. ad Eur. Med. v. 215; Bernhardt, Wissensch. Synt. pag. 400.

²⁾ Proksch, l. l. pag. 456.

προφυλάξασθαι τε καὶ αἰσθόμενοι ἐπεξελθεῖν.¹⁾ Thucydides enim enuntiatum posterius ἡμεῖς δὲ κακοί, πρὶν κτλ. conscripturus memoria tenebat illud antecedens δέδοικα μὴ, cui si non re vera, at certe κατὰ σύνεσιν sententiam inferiorem subiunxit, ita ut vis negativa structurae δέδοικα μὴ insita usque ad enuntiatum a πρὶν pendens permaneret. Itaque unice verus est coniunctivus ὦμεν in enuntiato a πρὶν pendenti, quae lectio iam a Bekkero levi post ὦμεν interpunctione posita restituta est. Ad vocem κακοί supplendum est sive ἐσμέν, sive ὦμεν, quae utraque ellipsis nec a linguae Graecae natura,²⁾ nec ab usu Thucydideo abhorret.³⁾

Inter tredecim illa Thucydidis exempla quattuor tantum occurrunt, quae oratione recta continentur VI, 38, 2; VI, 71, 2; VIII, 9, 1 et 3. Duo libri octavi exempla exhibent verba optandi (οὐ προὔθυμήθησαν συμπελῆν, πρὶν τὰ Ἰσθμια διεορτάσωσιν et οὐ βουλόμενοί πω πόλεμον ἔχειν, πρὶν τι καὶ ἰσχυρὸν λάβωσι). Illud quoque οὐ δυνατόν εἶναι, quod VI, 71, 2 exstat, manifestam habet notionem futuri, quae VI, 38, 2 toto sententiarum conexus efficitur. Ceteris locis oratio est obliqua; quae simulatque in rectam conformata erit, notiones futuri enucleabuntur. Bis a verbo dicendi pendet enuntiatum coniunctione ὅτι inductum, quod altero loco merum futurum continet (IV, 97, 2: εἰπὼν ὅτι οὐδὲν πράξει πρὶν ἂν ἀναχωρήσῃ), altero notionem periphrasticam (VI, 29, 2: ἐπεμαρτύρετο ὅτι σωφρονέστερον εἶη μὴ μετὰ τοιαύτης αἰτίας πρὶν διαγνῶσι πέμπειν). Sententia simplex est: μὴ με πέμπετε πρὶν διαγνῶτε. Infinitivus διαγνῶναι, quem codex Mosquensis hoc loco praebet, nullam habet defensionem. Neque enim de termino mittendi sermo est, sed precatur Alcibiades, ut crimina in ipsum coniecta ante discessum diiudicentur. — Quinque locis antecedunt infinitivi,

1) De controversiis editorum vid. Popp. l. l. II, 4, 92.

2) Cf. Raph. Kuehner, ausfuehrl. Gr. d. gr. Spr., § 354, Ann. 2.

3) Cf. Popp. l. l. I, 1, 284.

semel aoristi (I, 91, 3) quater praesentis, qui et verbis dicendi *προειπεῖν* (II, 84, 1), *ὑπειπεῖν* (II, 102, 5), *εἶπεῖν* (II, 6, 2) et participio verbi *κελεύειν* (I, 91, 3) et verbo *χρῆναι* (VI, 10, 5) subiungendi sunt. His exemplis ad simplicem orationis rectae formam redactis nudi restabunt prohibitivi, qui semper ad tempus futurum spectant, *μὴ ἀφῆτε* (I, 91, 3), *μηδὲν ποιήσητε* (II, 6, 2) *μὴ ἐπιχειρήσητε* (II, 84, 1), *μὴ ἀξιῶμεν* (VI, 10, 5). Uno loco merus futuri indicativus se praebebit II, 102, 5: *οὐκ ἔσται λύσις*. — Sed de duobus illis locis III, 22, 8 et IV, 117, 1, qui optativum exhibent, quid dicemus? Quomodo discrepant a prioribus? Si sensum respicimus, nihil est discrepantiae; nam IV, 117, 1 antecedit infinitivus aoristi cum *ἄν* particula coniunctus, qui a verbo sentiendi pendet (*νομίσαντες Ἀθηναῖοι μὲν οὐκ ἄν ἔτι τὸν Βρασιῶαν σφῶν προσαποστῆσαι οὐδέν, πρὶν παρασκευάσαντο καθ' ἡσυχίαν*); et III, 22, 8 enuntiatum a coniunctione *ὅπως* incipiens anteit, quod utrumque notionem futuri aequiparat. Quamquam Graecorum more etiam in oratione obliqua plerumque structura orationis rectae manet, his tamen locis in formam obliquam re vera transiit. Utra orationis ratio adhibeatur, quam parvi intersit, elucet ex loco III, 22, 8, ubi duae formae miscentur: *ὅπως ἀσαφῆ τὰ σημεῖα τῆς φρουκτωρίας τοῖς πολεμίοις ἢ καὶ μὴ βοηθοῖεν* —, *πρὶν σφῶν οἱ ἄνδρες οἱ ἐξιόντες διαφύγοιεν καὶ τοῦ ἀσφαλοῦς ἀντιλάβοντο*. Subito neque cum ulla causa interna transitus fit ad orationis obliquae formam. Thucydides si perrexisset verbis *καὶ μὴ βοηθῶσιν*, etiam in clausula periodi coniunctivos posuisset.

Atque nunc quidem nos vocat quaestio difficillima, utrum Thucydides inter coniunctivum cum *ἄν* particula coniunctum et eiusdem particulae expertem discrepantiam statuerit necne. Ex undecim enim exemplis quinque simplicem coniunctivum particula *ἄν* non addita praebent (VI, 10, 5; VI, 29, 2; VI, 38, 2; VIII, 9, 1 et 3). Haec particulae *ἄν* omissio quum optimorum codicum consensu firmetur, neminem puto evasurum esse, qui

scribarum negligentia hoc factum esse contendat, praesertim quum post coniunctionem *μέχρι οὐ* idem usu veniat (III, 28, 2; IV, 16, 2; 41, 2; 46, 3). Quid? Num credendum est Thucydidem hanc particulam sine ullo consilio, sed casu quodam modo omisisse, modo adhibuisse? Quomodo haec incuria cum eximia Thucydidis *ἀκριβείᾳ* concinit, quae imprimis in arguta similitum verborum et structurarum distinctione cernitur? Itaque facere non possum, quin inter eos qui *ἄν* habent et eos qui non habent coniunctivos discrimen statuam. Nec Prausii ¹⁾, nec Luethii ²⁾ opinionibus deterreor, qui quidem, sive *ἄν* additum sit, sive non additum, sententiarum rationem nihil commutari existimant. Age vero duos Thucydidis locos in comparisonem vocemus I, 91, 3: *πέμπει κελεύων — μὴ ἀφεῖναι, πρὶν ἂν αὐτοὶ πάλιν κομισθῶσιν* et VI, 10, 5: *χρὴ σκοπεῖν τινα αὐτὰ καὶ μὴ μετεώρω τῇ πόλει ἀξιοῦν κινδυνεύειν καὶ ἀρχῆς ἄλλης ὀρέγεσθαι, πρὶν ἢν ἔχομεν βεβαιωσώμεθα*. Priore loco Themistocles Atheniensibus clanculum nuntium misit, ut legatos Lacedaemoniorum ea solum condicione dimitterent, ut ipsis antea a Lacedaemoniis reditus permissus esset. Altero libri sexti loco Nicias demonstrare vult tempus ad expeditionem Siciliensem suscipiendam aptissimum non adesse; prius aliena imperia expetere, quam quod possiderent communivissent, temeritatis esse. Ergo discrimen persuasum habeo hoc esse statuendum, ut in enuntiato, quod nudo coniunctivo continetur, vim temporalem, in enuntiato, cui *ἄν* additum est, vim hypotheticam praevalere existimem. Luculentissima potestas temporalis est VIII, 9, 1: *οὐ προύθυμήθησαν συμπεῖν, πρὶν τὰ Ἰσθμια, ἃ τότε ἦν, διεορτάσωσιν*, ubi ratio condicionalis omnino deest.

Huiusmodi exempla ad infinitivi post *πρὶν* particulam usum proxime accedunt, praesertim si eos locos

¹⁾ Prause, l. l. pag. 17/18.

²⁾ Lueth, l. l. pag. 45.

respicimus, qui antecedente negatione infinitivum praebent, velut V, 10, 3 et VII, 50, 4, de quibus supra dictum est. (Cf. pag. 20.) Quid igitur mirum, quod VI, 29, 2 in codice Mosquensi ex aperta scoli cuiusdam correctione legitur infinitivus *διαγῶναι*, et VI, 38, 2 nonnulli coniunctivum *ᾧμεν* ad *κακοί* trahendum atque in enuntiato a *πρὶν* coniunctione pendenti infinitivum *εἶναι* supplendum esse opinati sunt? ¹⁾

Iam illud ad argumentationem meam corroborandam aliquid conferre puto, quod uno loco VII, 63, 1 *πρότερον* — ἢ cum coniunctivo *ἄν* particula non addita invenitur (*ὧν χρηὶ μεμνημένους διαμάχεσθαι ὅσον ἄν δύνησθε καὶ μὴ ἐξωθεῖσθαι ἐς αὐτήν, ἀλλὰ ξυμπεσοῦσης νηὶ νεῶς μὴ πρότερον ἀξιοῦν ἀπολύεσθαι, ἢ τοὺς ἀπὸ τοῦ πολεμίου καταστρώματος ὀπλίτας ἀπαράξτε*). Vehementer de huius loci lectione disceptatum est. Codices enim A C F G M ²⁾ habent ἦν, E ἦν; in G ex aperta correctura adscriptum est ἦν μὴ, quod perperam in vulgatam irrepsit. Iam rectissime Bekkerus auctoritatem Vaticani, codicis unius omnium praestantissimi, secutus ἦν textu restituit. Hoc exemplo perspicuo apparet rationem condicionalem reprimi vi temporali; quam quo fortius significaret, formulam *πρότερον* — ἦν adhibuit Thucydides particula *ἄν* omissa.

Hoc loco etiam duorum exemplorum mentio facienda est, quae in Aeneae Tactici commentario poliorcetico exstant. Duobus illis locis, quibus coniunctio *πρὶν* apud hunc autorem nobis obvia fit, cum coniunctivo copulata est. Verba in editione Hercheri sic leguntur: *γενομένης δὲ ἡμέρας τοὺς φύλακας μὴ ἀφίεναι* (sc. *χρηὶ*) *ἐκ τῶν φυλακείων, πρὶν ἄν τὰ ἐξω προερευνηθέντα ἐμφανισθῇ καθαρὰ ὄντα πολεμίον* (cap. 27, 15). Alter locus (cap. 28, 4) sic se habet: *ἐξω τε μηδὲνα ἀφίεσθαι, πρὶν ἄν ἐξερευνηθῇ τὰ περὶ τὴν πόλιν*. Sed neutro loco codex Laurentianus exhibet *πρὶν ἄν*, contra *πρὶν ἦ*, quod quum a dictione Attica abhorre-

¹⁾ Cf. Popp. l. l. II, 4, 92.

²⁾ Sequor signa codicum a Bekkero et Stablio adhibita.

videretur, Meinekius, quem Hercher in editione sequitur, $\pi\rho\acute{\iota}\nu$ $\alpha\upsilon$ correxit, epitoma fortasse ductus Iulii Africani, qui posteriore loco scripsit $\alpha\upsilon$ pro η . At vide ne huius compilatoris auctoritatem pluris aestimes! Illum nonne consentaneum est vulgarem dicendi consuetudinem secutum, secundum quam $\alpha\upsilon$ deesse non potuit, structuram suam aetate insolitas atque obsoletas vitasse, praesertim si una vocula addita fieri posset? Itaque Meinekius mihi non recte fecisse videtur. Equidem vocem η plane delendam esse arbitror, ita ut nudus coniunctivus post $\pi\rho\acute{\iota}\nu$ existat. Namque Aeneas, qui Thucydidi imitando operam dedit, hanc quoque coniunctionis $\pi\rho\acute{\iota}\nu$ structuram in suum usum convertit. Neque enim neglegendum est, quod duobus locis, qui ad eandem fere sententiam spectant, ratio temporalis imprimis dominatur. Huc accedit, quod bis in eodem libello post $\mu\acute{\epsilon}\chi\rho\iota$ $\omicron\upsilon$ (cap. 33, 4) et $\mu\acute{\epsilon}\chi\rho\iota$ solum (22, 27) codex Laurentianus coniunctivum sine $\alpha\upsilon$ particula praebet; quam lectionem unice veram restituere haud dubito, quamquam Meinekius his quoque locis $\alpha\upsilon$ inculcavit.

Hoc loco occasionem de formula $\pi\rho\acute{\iota}\nu$ η pauca dicendi praetermittere nolumus. De origine coniunctionis $\pi\rho\acute{\iota}\nu$ quae exposuimus ¹⁾ si in memoriam revocamus, particula η cum $\pi\rho\acute{\iota}\nu$ sociata admodum mira videtur. Sed Graeci potestatis particulae $\pi\rho\acute{\iota}\nu$ primariae obliti quemadmodum in formula $\pi\rho\acute{\iota}\tau\epsilon\rho\omicron\nu$ — η , sic in hac quoque structura rationem construendi mutarunt, ita ut e notione comparativa, quam in particula $\pi\rho\acute{\iota}\nu$ inesse senserunt, illud η deducerent. Haec vocula η quum apud Homerum (cf. *E* 288 et *X* 266) praecipueque apud Herodotum (cf. I, 78, 2; II, 2; IV, 167, 1; VIII, 12; IX, 13; 48, 2, alia) quodammodo per se constans atque a $\pi\rho\acute{\iota}\nu$ separabilis sit, in linguam vulgarem transgressa cum $\pi\rho\acute{\iota}\nu$ particula in unum quasi vocabulum coaluit, ita ut inter $\pi\rho\acute{\iota}\nu$ et $\pi\rho\iota\nu\eta$ ne minima quidem intercederet discrepantia. Quaeritur

¹⁾ Cf. pag. 6 et 7.

nunc, utrum *πρὶν ἢ* omnino sit Atticum necne. Haec quaestio quoniam a Luethio optime pertractata est,¹⁾ satis sit nobis eius argumentationem, quoad nostris exemplis fieri potest, confirmare. Atque ut testimoniis haud dubie genuinis uti possimus, inscriptiones Atticas a Kirchhoffio collectas perlustravimus. Tribus locis *πρὶν* particula exstat, e quibus unus admodum mutilus (C. I. A. I pag. 9, num. 12, vers. 10) nihil valet. Duobus aliis locis pag. 8, num. 9, vers. 14 *πρὶν ἐσιέναι* (sive secundum Boekhium²⁾ *ἐξιέναι*) et pag. 45, num. 96, vers. 6 *πρὶν ἄν* — legitur; nullum *ἢ* particulae adest vestigium. Quid autem, quod in Plut. Sol. cap. 19 lex quaedam Solonis *ἄξονι* qui vocatur inscripta his verbis affertur:

Ἀτίμων ὅσοι ἄτιμοι ἦσαν, πρὶν ἢ Σόλωνα ἄρξαι, ἐπὶ τίμους εἶναι πλὴν ὅσοι ἐξ Ἀρείου πάγου, ἢ ὅσοι ἐκ τῶν ἐφετῶν, ἢ ἐκ πρυτανείου καταδικασθέντες ὑπὸ τῶν βασιλέων ἐπὶ φόνῳ, ἢ σφαγαῖσιν, ἢ ἐπὶ τυραννίδι ἔφυγον, ὅτε θεσμός ἐφάνη ὅδε.

Num credendum est in edicto publico formulam *πρὶν ἢ* ceteroquin apud Atticos inauditam adhibitam esse? Legis huius verba si incorrupta ad nos pervenissent, una illa forma omnes disceptationes infringeret ac profligaret. Sed videamus de genuinitate. Quamquam Plutarchus addit: *ὁ δὲ τρισκαίδεκατος ἄξων τοῦ Σόλωνος τὸν ὀγδοὸν ἔχει τῶν νόμων οὕτως αὐτοῖς ὀνόμασι γεγραμμένον*, tamen ne ipse quidem textui fidem habet, quum paulo infra dicat: *εἰ μὴ νῆ Δία γέγονέ τις ἀσάφεια τοῦ γράμματος ἢ ἔκλειψις*. Didymi grammatici *περὶ τῶν ἀξόνων τῶν Σόλωνος ἀντιγραφὴν πρὸς Ἀσκληπιάδην*, quam in initio libelli nominat, excerpserit. Itaque de genuina huius loci lectione nullum ferri licet iudicium. Mihi quidem totum enuntiatum *πρὶν ἢ Σόλωνα ἄρξαι* aperte videtur esse a grammatico confictum. Neque enim verisimile est in Solonis lege scripta fuisse verba *πρὶν ἢ Σόλωνα ἄρξαι*, praesertim quum tempus sub exitum edicti diserte addatur (*ὅτε θεσμός ἐφάνη ὅδε*).

¹⁾ Lueth, l. l. pag. 32—35.

²⁾ C. I. G. 73 b.

Quae quum ita sint, quoniam poetae Atticorum et lyrici et tragici formula *πρὶν ἤ* plane abstinerunt, quoniam Luethio auctore etiam e textu oratorum Atticorum prorsus removenda est, quoniam inscriptiones Atticae nullum ἤ particulae vestigium ostendunt: in eam facile adducimur opinionem etiam in Thucydidis libro, ubi bis (V, 61, 1 et VIII, 12) occurrit et apud Xenophontem, ubi ter (*Ἀν.* IV, 5, 1; *Κυρ. παιδ.* I, 4, 23; *Ἀγῆσ.* 2, 4) invenitur, illud ἤ corruptum esse. Huc accedit quod in priore Thucydidis loco apertum inest mendum (cf. pag. 41) et in VIII, 12 ceteri praeter unum quamvis optimum B codices ἤ non habent. De Xenophontis locis vide quae infra pag. 53 exposui.

§ 7. De usu modi finiti a *πρὶν* coniunctione pendentis Xenophonteo.

Perventum est ad Xenophontem. Ac priore quidem loco dicendum erit de iis exemplis, quae *πρὶν* coniunctionem cum indicativo consociatam exhibent. Quorum structura quum pro simplicitate dictionis Xenophonteae multo sit facilior atque planior, quam Thucydidea, paucis explanari potest. Inter locos undeviginti unus exstat, qui post enuntiatum affirmativum indicativum praebet *Ἀν.* II, 5, 33: οἱ δὲ Ἕλληνες τὴν τε ἱππασίαν ἐθαύμαζον ἐκ τοῦ στρατοπέδου ὁρῶντες καὶ ὅτι ἐποίουν ἡμφογνῶουν, πρὶν Νίκαρχος Ἀρχὰς ἦκε φεύγων. Quod exemplum quum et verbis et sensu ad similitudinem Thucydideorum conformatum sit, accuratiorem interpretationem instituere supersedeo. Namque non solum sententia primaria imperfecto continetur (*ἐθαύμαζον* et *ἡμφογνῶουν*) et secundaria aoristo exprimitur (*ἦκε* enim quamvis forma sit imperfectum, sensum tamen aoristi habet), sed etiam actio secundaria repentino quodam impetu intrat.

Transeamus igitur ad alterum exemplorum ordinem, qui negatione antecedente indicativum praebent. Enuntiatum regens sexies alii subiectum est, id quod apud Thucydidem ne uno quidem loco usu venit. In quattuor

exemplis ('Αν. III, 1, 16; III, 2, 29; VI, 1, 27; Λακεδ. πολ. 8, 5) ratio haec est, ut sententia primaria enuntiato coniunctione *ὅτι* inducto exprimatur. Exempli gratia unum locum 'Αν. III, 1, 16 adscribam: οἱ μὲν γὰρ πολέμοιοι δῆλον ὅτι οὐ πρότερον πρὸς ἡμᾶς τὸν πόλεμον ἐξέφευγαν, πρὶν ἐνόμισαν καλῶς τὰ ἑαυτῶν παρασκευάσασθαι. Haec subordinatio coniunctione *ὅτι* effecta haud procul abest ab enuntiato per se constanti. Namque ex Graecorum consuetudine tantum abest ut enuntiatum explicativum particula *ὅτι* inductum sub dominatu enuntiatī regentis teneatur, ut sine ulla modorum mutatione vim suam teneat. Itaque conformatio verborum ac temporum plane cum aliis exemplis congruit. His enim quattuor locis si demas *ὁρῶ* sive *δῆλον ὅτι*, restat schema Xenophonteum: οὐ πρότερον (sive πρόσθεν) cum aoristi indicativo — πρὶν cum indicativo. Duobus reliquis locis oratio re vera est obliqua. Pendet enim enuntiatum secundarium ab infinitivo praesentis 'Αν. III, 4, 28 (ὥστε ἀπὸ τοῦ τρίτου γηλόφου ἔδοξεν αὐτοῖς μὴ κινεῖν τοὺς στρατιώτας, πρὶν ἀπὸ τῆς δεξιᾶς πλευρᾶς τοῦ πλαισίου ἀνήγαγον πελταστὰς πρὸς τὸ ὄρος), et ab infinitivo aoristi Λακεδ. πολ. 8, 1 (ἐγὼ μέντοι οὐδ' ἐγχειφῆσαι οἶμαι πρότερον τὸν Λυκοῦργον ταύτην τὴν εὐταξίαν καθιστάναι, πρὶν ὁμογνώμονας ἐποίησατο τοὺς κρατίστους τῶν ἐν τῇ πόλει). — Novies autem sententiae et primaria et secundaria simplici aoristo exprimuntur. Inter haec exempla formulae quaedam inveniuntur, quas Xenophon in deliciis habet. In fuga enim praecipiti describenda quater ('Ελλ. IV, 3, 8; V, 4, 45; Κυρ. παιδ. I, 4, 23; 'Αγησ. 2, 4) una eademque sententia iisdem fere verbis exprimitur: ἔστησαν οὐ πρόσθεν — πρὶν — ἐγένοντο. Eo magis mirum est, quod duobus locis Κυρ. παιδ. I, 4, 23 et 'Αγησ. 2, 4 melioris notae codices habent πρὶν ἢ, quod ex analogia ceterorum exemplorum in πρὶν simplex mutare non dubito. Deinde tribus locis 'Αν. VI, 1, 27; 'Ελλ. VII, 4, 18; Οἰκον. 2, 9 eadem formula οὐ πρόσθεν (semel πρότερον) παύσασθαι — πρὶν —, et 'Αγησ. 2, 20 similis elocutio οὐ πρότερον ἔληξε, πρὶν invenitur.

Restant tres loci, qui quidem non merum aoristum habent, verbum tamen auxiliare *δύνασθαι* cum infinitivis aoristi copulatum (*Ἑλλ. V, 4, 58 οὐκ ἐδύναντο σχεῖν, πρὶν ἐλεποφύγῃσε* et *Κυρ. παιδ. VI, 4, 11 οὐ πρόσθεν ἐδύναντο θεάσασθαι, πρὶν ἀπῆλθεν*); semel infinitivus praesentis a verbo *ἐθέλεν* pendens extat *Ἀν. I, 2, 26: ὁ δ' οὔτε πρότερον οὐδενί πω κρείττονι ἑαυτοῦ εἰς χεῖρας ἐλθεῖν ἔφη οὔτε τότε Κύρω ἰέναι ἤθελε, πρὶν ἢ γυνὴ αὐτὸν ἔπεισε καὶ πίστεις ἔλαβε*. Hoc loco infinitivus praesentis *ἰέναι* opponitur antecedenti infinitivo aoristi *ἐλθεῖν*.

Singularis est locus *Οἶκον. 7, 7 οὐ μὰ Δί', οὐ πρὶν γε καὶ ἔθυσσα*, non solum propter particulam *γέ*, quam nullo loco aut Thucydideo aut Xenophonteo, solam coniunctioni *πρὶν* additam invenimus, sed etiam propter ellipsin verbi regentis, quod ex enuntiato antecedenti *Τὰ δ' ἄλλα αὐτὸς ἐπαίδευσας τὴν γυναῖκα* depromendum est.

Neque minus memorabile est aliud exemplum *Ἑλλ. IV, 8, 28*, propterea quod *ἀνακαλουθίαν* continet. Periodus enim incipit his verbis: *ἐπιτυχῶν δ' ἐν τῇ Λέσβῳ ταῖς πόλεσιν πάσαις πλὴν Μυτιληναίων λακωνιζούσαις, ἐπ' οὐδεμίαν αὐτῶν ἤει, πρὶν ἐν Μυτιλήνῃ συντάξας τοὺς τε ἀπὸ τῶν ἑαυτοῦ νεῶν τετρακοσίους ὀπλίτας κτλ.* Expectamus ex usu Xenophonteo exeunte enuntiato indicativum. Sed posteaquam duo alia participia coniuncta *προσλαβὼν* et *ἐλπίδας ὑποθείς* addidit, Xenophon propter ampliorem verborum circuitum *πρὶν* coniunctionis in initio periodi positae haud satis memor sententias modo expressas brevi complexus clausulam per *ἀνακόλουθον* facit: *ταῦτα δὲ παραμυθησάμενος καὶ συντάξας ἤγεν αὐτοὺς ἐπὶ τὴν Μήθυμναν*.

Reliquum est, ut locos Xenophonteos, qui coniunctivum sive optativum post *πρὶν* particulam praebent, paucis persequar. Sunt hi viginti duo; plerumque pertinent ad tempus futurum. Duobus locis enuntiatum primarium mero futuro (*Ἀπομν. IV, 4, 9: οὐκ ἀκούσει πρὶν γ' ἂν ἀποφύγῃ* et *Οἶκον. 3, 1*), duobus aliis prohibitive continetur (*Ἀν. V, 7, 12: μὴ ἀπέλθῃτε, πρὶν ἂν ἀκούσῃτε* et

Κυρ. παιδ. VII, 1, 17); uno loco optativus aoristi cum *ἄν* antecedit *Οἶκον*. 12, 1 (*ἐπεὶ οὐκ ἄν ἀπέλθοιμι, πρὶν παντάπασιν ἢ ἀγυρὰ λυθῇ*), semel verbum petendi *δεῖσθαι* *Ἀν.* I, 1, 10 (*δεῖται μὴ πρόσθεν καταλῦσαι, πρὶν ἄν συμβουλευέσῃται*), semel verbum *χρῆναι* *Ἀν.* V, 7, 5. Sexies ratio periodi est iterativa, ita ut tempus praesens anteeat, quinquies indicativus (*Ελλ.* VI, 3, 16; *Ἀπομν.* IV, 2, 25; *Ἱερ.* 6, 13; *Κυνηγ.* 3, 6 et 5, 2), semel participium (*Κυρ. παιδ.* I, 2, 8: *ὁρῶσιν οὐ πρόσθεν ἀπιόντας, πρὶν ἄν ἀφῶσι*). His locis omnibus oratio est recta. Coniunctivus igitur post *πρὶν* conjunctionem adhibetur. — Iam sequantur octo exempla, quae orationis obliquae forma utuntur, quorum duo tantum coniunctivum servaverunt (*Κυρ. παιδ.* II, 2, 8: *εἶπον μηδένα τῶν ὅπισθεν κινεῖσθαι, πρὶν ἄν ὁ πρόσθεν ἡγῆται* et *Συμπ. φιλοσ.* 4, 28); cetera sex tota periodi structura in orationis obliquae formam redacta in optativum transierunt (*Ἀν.* I, 2, 2; *Ελλ.* II, 3, 48 [bis]; II, 4, 18; VI, 5, 19; *Κυρ. παιδ.* I, 4, 14). Quattuor locis totus verborum circuitus pendet a verbis dicendi, ita ut infinitivus negatione *μὴ* instructus sequatur et ille quidem ter praesentis, semel post verbum *ὀπισχνεῖσθαι* futuri. Duobus ceteris locis antecedit infinitivus cum *ἄν* particula coniunctus pendens a verbo *οἶομαι* *Ελλ.* II, 3, 48, ubi brevi spatio interiecto duo coniunctionis *πρὶν* exempla exstant, quorum prius ad infinitivum praesentis *εἶναι*, posterius ad infinitivum aoristi *ἐγγενέσθαι* spectat. — Memorabilis vero est unus Anabaseos locus VII, 7, 57. In optimis codicibus verba sic leguntur: *προσελθόντες δὲ αὐτῷ οἱ ἐπιτήδαιοι ἐν τῷ στρατοπέδῳ ἐδέοντο μὴ ἀπελθεῖν, πρὶν ἄν ἀπαγάγῃ τὸ στράτευμα καὶ θίβρωνι παραδοίῃ*. Minime assentior Skenkelio, qui deleto illo *ἄν* priorem coniunctivum in optativum mutare vult. Probabilius est Xenophontem scripsisse coniunctivum *παραδῶ*. Similis corruptela in alio Hellenicorum loco latere videtur. Legitur enim II, 4, 18: *καὶ γὰρ ὁ μάντις παρήγγελλεν αὐτοῖς μὴ πρότερον ἐπιτίθεσθαι, πρὶν ἄν τῶν σφετέρων ἢ πέσοι τις ἢ τρωδείῃ*. Hunc locum critici aut ita emendare studuerunt, ut deleto illo *ἄν* optativum

servarent,¹⁾ aut ut conservata ἄν particula duplicem coniunctivum efficerent.²⁾ Quamquam Lueth sub exitum dissertationis suae, ubi locum Antiphontis similem V, 34 tractavit, ne in Xenophontis quidem loco quidquam mutandum esse addit, tamen, num Xenophon, qui quidem maximopere normam dicendi vulgarem sequitur, structuram hanc singularem in suum usum converterit, valde dubito. Equidem cum Sauppio coniunctivos πέσῃ et τρωθῇ praeferam, praesertim quum haec emendatio, si codicum scripturam respicimus, facillima sit. Alio eiusdem libri loco primo aspectu facile quispiam suspicetur eundem optativum cum ἄν particula consociatum post πρὶν coniunctionem inveniri II, 3, 48 (ἐγὼ δ' ὦ Κριτία, ἐκείνοις μὲν αἰεὶ ποτε πολεμῶ τοῖς οὐ πρόσθεν οἰομένοις καλὴν ἂν δημοκρατίαν εἶναι, πρὶν ἂν ἀποδόμενοι τὴν πόλιν δραχμῆς μετέχοιεν). Sed sententiarum rationem accuratius contemplanti mox apparebit illud ἄν cum participio ἀποδόμενοι potestatis condicionalis significandae causa coniungendum esse.

Si de tempore enuntiati a πρὶν coniunctione pendens quaerimus, ut Thucydides uno loco excepto VI, 38, 2, ubi coniunctivus praesentis ὤμεν occurrit, semper aoristum adhibet, sic etiam Xenophon aoristi modos praefert. Nec revera ullum aliud tempus exspectamus, quoniam modus enuntiati secundarii latinorum futuro exacto respondet. Quid vero dicemus de tribus locis, qui temporis praesentis modos praebent? Ac primum quidem Κυρ. παιδ. II, 2, 8 legitur: εἶπον μηδὲνα τῶν ὀπισθεν κινεῖσθαι, πρὶν ἂν ὁ πρόσθεν ἡγῇται. Sed hic coniunctivus ἡγῇται non re vera est praesentis. Xenophon quum in aliis verbis proficiscendi, tum saepissime in verbo ἡγεῖσθαι imperfectum ἀοριστικῶς usurpare solet; (locos Ἀν. II, 2, 8; IV, 1, 15; V, 2, 6; Ἑλλ. VI, 5, 21 nominasse satis erit) itaque coniunctivus praesentis ἡγῇται quasi aoristi vicarius quominus notionem futuri exacti induat, nihil impedit.

¹⁾ Cf. Lud. Dindorfii edit.

²⁾ Cf. Sauppe, quaestiones Xenoph., pag. 7.

Gravius est alterum exemplum 'Ελλ. II, 3, 48, quod modo attulimus. Hic occurrit optativus praesentis (μετέχοιεν). Quum neque apud poetas scaenicos (nihil enim forma ἐξήκοι in Soph. Philect. 199 valet, quippe quae vim habet aoristi), neque apud oratores Atticos inveniatur huius temporis optativus, suspicionem facile posse oriri non infitiandum est, num haec lectio sit genuina. Attamen patronus huic loco existere audeo. Quidnam optativus praesentis hoc loco usurpatus habuerit causae, quo clarius perspiciatur, est mihi tanti totum locum accuratius adscribere. Verba in paragrapho duodequingagesima haec leguntur: ἐγὼ δ' ὦ Κριτία, ἐκείνοις μὲν αἰεὶ ποτε πολεμῶ τοῖς οὐ πρόσθεν οἰομένοις καλὴν ἂν δημοκρατίαν εἶναι, πρὶν καὶ οἱ δοῦλοι — δραχμῆς μετέχοιεν, καὶ τοῖς δέ γ' αὐτῷ αἰεὶ ἐναντίος εἰμί, οἳ οὐκ οἴονται καλὴν ἂν ἐγγενέσθαι ὀλιγαρχίαν, πρὶν εἰς τὸ ὑπὲρ ὀλέγων τυραννεῖσθαι τὴν πόλιν καταστήσειαν. Conspicua est oppositio quaedam rhetorica, quae inter duas sententias inter se comparatas intercedit. Respondent in vicem εἶναι et ἐγγενέσθαι, μετέχοιεν et καταστήσειαν, ita ut prioris periodi infinitivus atque optativus propius ad rationem Latinorum futuri primi accedant, posterioris futuro exacto vertendi sint. Ab huius loci natura valde abhorret alterum optativi praesentis exemplum. 'Αν. II, 2, 2 melioris notae codices habent πρὶν αὐτοὺς κατάγοι οἷκαδε. Siquidem autem nulla causa nobis sese offert, cur hoc ipso loco Xenophon a norma vulgari digressus sit, lectionem καταγάγοι ab omnibus fere criticis contra codicum auctoritatem receptam comprobare non dubito.

Atque antequam huic operi finem imponam, una quaestiuncula mihi movenda videtur, utrum ex usu πρὶν particulae de authentia librorum nonnullorum Xenophonteorum iudicium ferre possimus necne. Etenim si in scriptis maioribus consuetudinem dicendi Xenophonteam optime expressam esse iudicamus, nonnullae in minoribus observandae sunt discrepantiae. Neque enim infinitivus praesentis, qui in Cyropaedia, Hellenicis, Anabasi frequentior est, usurpatur, et coniunctivo

interdum particula *ἄν* deest (*Θίκον*. 12, 1 et *Κυνήγ.* 3, 6), id quod in libris maioribus numquam occurrit. Neque praetermittendi sunt loci duo (*Ἀπομν.* IV, 4, 9 et *Θίκον*. 7, 7, quorum alter ante coniunctivum, alter ante indicativum *πρίν γε* exhibet; quae formula apud omnes Atticorum scriptores pedestres inaudita, a Thucydide bis tantum in formula *πρίν γε δὴ* usurpata e tragoedia fluxisse videtur. Quum autem singularia haec non tantopere valeant, ut in universum concludere nobis liceat, quumque nonnulli commentarii, velut qui *πόροι, Λακεδαιμονίων πολιτεία, ἀπολογία Σωκράτους* inscribuntur, propter inopiam exemplorum nullam nobis suppeditent diiudicandi materiem, iudicium de authentia librorum minorum ferre non audeo.

Postremo loco quibus rebus Thucydides et Xenophon in *πρίν* particula construenda inter se congruant, quibus discrepent, brevi comprehendam. Oratorum quoque Atticorum usum, qualis in Luethii dissertatione accuratius descriptus est, in comparisonem vocabo, ut quomodo vetustior Atticorum oratio pedestris hanc particulam adhibuerit, appareat.

I. De infinitivi particulam *πρίν* sequentis usu sic statuo:

- 1) Thucydides infinitivum sexagies septies adhibuit, uno et quadraginta locis aoristi, sedecim locis praesentis, quorum sex verba proficiscendi, tres infinitivum *εἶναι*, unus infinitivum *ἔχειν* praebet. Notione futuri antecedente tres tantum occurrunt praesentis infinitivi (*ἔχειν, ἔχειν, ἐκπλεῖν*). Item enuntiatum negativum, quod sexies antecedit, ter sequitur praesentis infinitivus. Vocabulum *πρότερον* ante infinitivum non invenitur, nisi quattuor locis cum *ἤ* coniunctum, e quibus unus est negativus.
- 2) Xenophon infinitivum centies septies usurpavit, quater et septuagies aoristi, semel et tricies praesentis (quo in numero septies *εἶναι*, semel *ἔχειν*), bis perfecti. Notionem futuri duodecies iam

subsequitur praesentis infinitivus. Negatio sexies antecedit. Quater etiam *πρότερον* — *πρίν* exstat.

- 3) Oratores Attici infinitivo aoristi circiter centies quinquagies, praesentis quindecim locis usi sunt, quorum sex Demosthenis, Aeschinis quattuor sunt. Qui perfecti infinitivum exhibent loci sunt suspiciosi. Enuntiatum primarium locis undeviginti negatione exstructum est, quorum undecim apud Demosthenem inveniuntur. Formulae *πρότερον* — *πρίν* multo saepius indulserunt.

II. Ratio modi finiti a *πρίν* coniunctione pendentis haec est:

- 1) Indicativum Thucydides duodecim locis usurpavit, novies aoristi, bis praesentis historici, semel imperfecti. Sexies sententia est affirmativa, sexies negativa. Sententiam affirmativam sequitur quater *πρίν δῆ*, semel *πρίν γε δῆ*, quod semel etiam post negationem occurrit cum praesente historico coniunctum. Duobus locis exstat *οὐ πρότερον* — *πρίν*, non minus saepe *οὐ πρότερον* — *ἤ*. Coniunctivum cum *πρίν* coniunctione copulavit undecies, decies aoristi, semel praesentis (*ᾤμεν*). Sexies addidit *ἄν*, quinquies omisit; numquam antecedit *πρότερον*, quod semel cum *ἤ* particula coniunctum invenitur. Optativum duobus locis posuit vocabulo *πρότερον* non addito in oratione obliqua.
- 2) Indicativus apud Xenophontem vicies a *πρίν* coniunctione pendet et ille quidem semper aoristi (quo in numero duo imperfecta *ἤχον* et *ἤκε* numeranda sunt). Excepto uno loco semper vera antecedit negatio, quae sexies cum voce *πρότερον*, decies cum vocabulo *πρόσθεν* coniuncta est. Semel habemus *πρίν γε*. Cum coniunctivo *πρίν* coniunctio sedecim locis consociatur et illo quidem semper aoristi excepto uno coniunctivo praesentis *ἡγγῆται*. Bis particula *ἄν* deest; semel exstat *πρίν γε*. In enuntiato primario ter invenitur *πρότερον*, semel

πρόσθεν. Sex locis habemus optativum, semel praesentis, cui bis *πρόσθεν*, semel *πρότερον* antecedit. Enuntiatum primum semper negatione praeditum est.

- 3) Oratores Attici *πῶς* coniunctionem cum indicativo aoristi locis viginti tribus, quorum tredecim sunt Isocratis, quinque Demosthenis, coniunxerunt. Coniunctivum tribus locis iisque dubiis exceptis semper particula *ἄν* instructum ter et tricies adhibuerunt, quo in numero tres sunt praesentis coniunctivi. Optativo fere omnino abstinerunt, praeterquam quod Isocrates eum bis, Antiphon semel et ille quidem cum particula *ἄν* coniunctum exhibent in oratione obliqua. Semper praecedit negatio.
-